

禮

記

通

解

禮記通解卷二

郝敬習

曲禮下第二

凡奉上者當心提者當帶執天子之器則上衡國君則
平衡大夫則綏委之士則提之凡執主器執輕如不克
執主器操幣圭璧則尚左手行不舉足車輪曳踵立則
磬折垂佩主佩倚則臣佩垂主佩垂則臣佩委執玉其
有藉者則裼無藉者則襲

此節記將奉授受之禮仰手當心曰奉屈臂當帶曰
提帶在腰與心之下器謂圭璋之類衡平也手以心

禮記通解 卷二
一
爲衡上衡謂高於心平衡謂當心綏心下提則帶間
矣蓋分愈尊則禮愈恭非謂士與大夫之器使者遂
可忘敬也執主器通上下言之執輕如不克卽論語
云執圭如不勝聘禮云執玉如重之意尚左手謂以
左手在上左尊而文右卑而武右手在下使用力也
行不舉足拖曳其踵如車輪之運不離地也磬形倨
句人身立而俛似之身俛則佩玉從傍懸出而垂也
倚謂身直立佩倚身不垂也委謂身大俯佩委于地
也蓋言主臣授受之容主立臣俛主俛臣俯也玉謂
圭璧古者以圭璧爲禮執謂賓主執以相授受藉謂

以采繒包裹之所謂繒也。單曰裼，重曰襲。玉有藉則赤手併其繒執之，所謂裼也。玉無藉則以衣重掩其手執之，所謂襲也。有藉而又襲，則握不固無藉而裼，則手澤汙之也。鄭作襲，裘裼裘解，非也。凡言裼者袒露之稱，襲者掩護之名，非但衣有裼襲，執器皆然。國君不名，卿老世婦大夫不名，世臣姪送娣士不名家，相長妾君大夫之子不敢自稱曰余小子，大夫士之子不敢自稱曰嗣子某，不敢與世子同名。君使士射不能，則辭以疾，言曰某有負薪之憂，侍於君子不顧望而對，非禮也。

此稱謂應對之禮國君諸侯也卿老上卿世婦下夫人一等貴妾也大夫之世臣先世之家老也姪娣亞嫡之稱皆妾也舊謂姪卽妻之兄女娣卽妻之妹恐不盡然從嫡來嫁卽爲姪娣未必一室三女定嫁一國也家相家臣之長長妾妾之有子者皆不呼其名優禮之也君子不恃尊貴而忽其所親任以養恭敬並顧託勸忠義也君大夫之子諸侯之大夫子也天子諸侯對諸父及在喪自稱余小子大夫之子不得稱也天子諸侯新立稱嗣君喪未除稱子大夫與士之子皆不得稱也世子諸侯子大夫士名子不得與

君世子同避尊也大射禮君與賓耦臣以貴賤各自
爲耦大夫不足則使士備耦士如不能射則以疾辭
其以疾辭也則託賤事曰有負薪之憂言負薪勞致
疾也凡疾天子曰不豫諸侯曰不茲亦曰負子大夫
曰犬馬士曰負薪皆義起之名侍於君子顧望而對
非獨侍也如子路曾皙冉有公西華侍坐子路率爾
而對是不顧望也夫子哂之曰其言不讓以此
君子行禮不求變俗祭祀之禮居喪之服哭泣之位皆
如其國之故謹脩其法而審行之去國三世爵祿有列
於朝出入有詔於國若兄弟宗族猶存則反告于宗後

去國三世爵祿無列於朝出入無詔於國唯興之日從
新國之法君子已孤不更平名已孤暴貴不爲父作諡
居喪未葬讀喪禮既葬讀祭禮喪復常讀樂章居喪不
言樂祭祀不言凶公庭不言婦女

君子守禮不苟同于俗然亦當諧人情合時宜不必
以己意輕變俗凡祭祀之禮居喪之服哭泣之位國
有舊典惟謹脩成法審慎行之使適時宜當人情而
已去國謂當世卿大夫以事出奔或被放逐自祖至
孫去國三世猶有宗人仕於故國之朝則猶故臣也
吉凶之事往來出入皆當告於故國之君若無列於

朝者可以不告但兄弟宗族有存者亦當反告於大宗之後示不背本也若三世去國無列亦無兄弟宗族則其家猶當守故國之禮子孫有興起仕于新國者然後乃可從新國之法耳子生三月父名之名有不便父更之父没子孤名不便亦不更也故春秋傳曰君子不奪人親之所名爲其不可更也凡貴人死累其生平爲之謚君命也亦有處士没鄉國人私謚者公論也如父初死無謚死後其子驟貴追作父謚是彰死者無迷而以子貴要名非所以敬親也禮不豫凶事人子於親喪尤弗忍豫然居喪不知禮無以

自盡故卽居喪讀禮如含襲斂殯成服啓殯遷柩之類未葬之禮也虞卒哭祔祥禫之類既葬之禮也皆於未葬時讀之既葬而祔則人事終而神事始廟祭各有禮當於既葬讀之喪畢復吉祥禫已終思慕未平當讀樂章如雅頌之類借弦歌以漸釋其憂痛也居喪哀故不言樂祭事吉故不言凶公庭間外故不言婦女禮者因時稱情而已

振書端書於君前有誅倒筴側也於君前有誅龜筴几

杖席蓋重

平聲

素衫締綌不入公門苞

應

屢扱

抑

衽厭

第

冠不入公門書方衰

催

凶器不以告不入公門公事不

私議君子將營宮室宗廟為先廡庫為次居室為後凡
家造祭器為先犧賦為次養器為後無田祿者不設祭
器有田祿者先為祭服君子雖貧不粥育祭器雖寒不
衣祭服為宮室不斬於丘木大夫士去國祭器不踰竟
境大夫寓祭器於大夫士寓祭器於士大夫士去國踰
竟為壇善位甸鄉甸國而哭素衣素裳素冠徹緣去聲鞮低
履素箴覓乘髦馬不蚤瓜鬚不祭食不說人以無罪婦
人不當御三月而復服

文書龜筮之類各有典司不先事夙戒臨期君前振
理顛倒反側是玩上廢職也誅責罰也龜筮所以豫

謀几杖所以優老。席所以安息。蓋所以蔽雨。賜衣裳重素則不吉。衿單也。絺綌葛類。單則見體。近嫌慢也。公門君朝門。苞作薦。蒯草所爲。齊衰之屨也。扱衽親初死。孝子以衣前衽扱帶間。匆遽之容。厭冠冠伏帖不起也。吉冠峨起。喪冠厭伏。書方小木版。旣夕禮書贈于方。謂以方板書贈死之物。告于柩者也。凶服衰也。凶器棺槨明器之屬。不以告。不入。謂用必告而後入也。公事謂朝政。而以私議。非姦則專也。凡營室安神爲急。畜藏次之。安身爲後。凡造家具祭器爲急。牲牢之具次之。自養爲後。祭牲曰犧。賦取諸民也。無田

祿謂無采地之入無以供祭祀則不設祭器有田祿可祭則先爲祭服以祭器可暫假而徐備也貧粥祭器寒衣祭服斬墓木爲宮室皆蔑視祖考而褻瀆鬼神背禮殉私不敬之大者士大夫祭器因田祿設失位去國無祿廢祭則不宜挈祭器行以寄於故國之同爵者令可用也旣出境乃除地爲壇位回向本國哭捐親戚去墳墓無田不祭故用喪禮冠衣裳皆素有采緣者徹之著革屨覆軾之箴用素皮駕不剪剔之鬣馬蚤謂治手足瓜鬚謂剔治鬚鬢皆容飾之事故不爲也食盛饌故有豆間之祭去國食無盛饌故

不祭不說人以無罪不以已出爲無罪向人解說也
婦人不當御謂不侍寢也待三月後諸事乃復如平時
皆用喪禮也惠按此臣子遭放逐之變而大去其
國者如魯逐公孫歸父之類若孔子去魯焉用此爲
惟春秋大夫去國者多衰世之禮也

大夫士見於國君君若勞之則還若辟闕再拜稽首君
若迎拜則還辟不敢答拜大夫士相見雖貴賤不敵主
人敬客則先拜客客敬主人則先拜主人凡非弔喪非
見國君無不答拜者大夫見於國君國君拜其辱士見
於大夫大夫拜其辱同國始相見主人拜其辱君於士

不答拜也。非其臣則答拜之。大夫於其臣雖賤必答拜之。男女相答拜也。

此言相拜之禮。大夫出使他國既相見而其國君若慰勞之則逡巡還辟再拜稽首其反本國君勞之亦可知已。他國君若出迎先拜使臣則使臣還辟不敢答拜。嫌抗賓主。避先施也。自大夫以下相見不論貴賤如見賓之禮。主人敬客則主人先拜。客敬主人則客先拜。拜則必答。唯弔喪主人拜與臣見國君拜不答。蓋喪禮主人哀痛拜稽顙非專為敬賓也。凶事尚質故賓無答。臣見君拜非為賓主也。故君不答。非此

二者拜無不答。大夫見他國君拜，他國君答之。士見他國大夫拜，他國大夫亦答之。皆賓主也。同國之士大夫始受命相見，亦賓主也。賓拜見，則主拜辱。唯本國君於士，雖始相見，士拜不答，亦不拜辱，以士卑也。如非本國士拜君，亦答而拜之，以爲客也。大夫於家臣，雖非家老，拜亦答而拜之。避君也。之皆指拜者。男女有別，他事不妄答。惟拜亦相答也。

國君春田不圍澤。大夫不掩羣。士不取麇。迷 卯歲凶年

穀不登，君膳不祭肺，馬不食穀，馳道不除，祭事不縣。女

大夫不食梁，士飲酒不樂。君無故，玉不去身。大夫無故

不徹縣士無故不徹琴瑟

春田曰蒐按鳥獸春生故戒多殺澤廣則禽多故不
圍羣取則絕類故不掩獸子曰麋鳥子曰卵方生故
不取五臟肺爲金周以火德王祭用所克殺牲爲膳
則祭肺凶年無盛饌不殺牲故不祭肺也馳道不除
不行幸也祭事不縣不懸鐘磬作樂也梁良也米之
精者不食食粗糲也飲酒不樂不作樂也貴賤不同
吉凶之禮各以等變王爲貴金石次之絲又次之尊
者舉貴卑者舉賤非謂君不圍澤而猶掩羣不祭肺
而猶食梁玉不去身而但徹縣也餘可類推

士有獻於國君他日君問之曰安取彼再拜稽首而后對大夫私行出疆必請反必有獻士私行出疆必請反必告君勞之則拜問其行拜而后對國君去其國止之曰奈何去社稷也大夫曰奈何去宗廟也士曰奈何去墳墓也國君死社稷大夫死衆士死制

大夫見於國君君拜其辱故郊特牲云大夫有獻弗親爲君之答已也君於士不答拜士有獻則當親親獻則當拜此爲未得親拜獻因左右以致者他日君不問則已如問前物所從來必再拜稽首而后對如親獻之禮也人臣以私事出疆皆請於君反則必告

大夫言獻士言告勞互備也。國君去國如春秋衛成公魯昭公之類止之謂國人留之社土神稷穀神土穀養民國之本也宗廟以祀先祖家之本也墳墓以葬祖考身之本也國亡與亡君之道也無去之禮太夫撫君之衆喪師辱國則死之士守君之制臨難執節則死之宗廟墳墓又其私情耳去者處變之權死者守常之經

君天下曰天子朝諸侯分職授政任功曰予一人踐阼臨祭祀內事曰孝王某外事曰嗣王某臨諸侯吟於鬼神曰有天王某甫崩曰天王崩復曰天子復矣告喪曰

示言列解 卷二
天王登假措之廟立之主曰帝天子未除喪曰予小子
生名之死亦名之

天無上子丈夫之稱授政授諸侯以法度任功任天
下事也予一人自任之稱宗廟之事爲內郊社之事
爲外臨諸侯謂天子巡狩適諸侯之國也吟猶介也
吟於鬼神謂因工祝致告於鬼神也爾雅云吟致也
甫父通某甫其字也崩者自上墜下之名復初死招
魂古之俗禮告喪天子崩使人告諸侯也登升也假
大也空虛之名神降亦謂之假魂升亦謂之假死言
假者不敢信以爲真也措之廟祔于祖也主以木爲

神主帝廟號三年喪未畢不自稱予一人稱予小子名猶稱也若在喪而死卽稱小子王如晉小子侯之類按此節多因詩書春秋所有之名薈最爲禮天王之稱自春秋始非盡古也

天子有后有夫人有世婦有嬪有妻有妾天子建天官先六大曰大宰大宗大史大祝大士大卜典司六典天子之五官曰司徒司馬司空司士司寇典司五衆天子之六府曰司土司水司草司器司貨典司六職天子之六工曰土工金工石工木工獸工草工典制六材五官致貢曰享

天子之妻曰后。后者，後也。夫人者，扶人也。婦者，服也。世婦者，廣世胤也。嬪者，婦賢德可賓也。妻，齊也。棲也。妾，接也。天子奉天設官分職，故曰天官。卽大宰也。六，大卽六卿。大宰，卽冢宰，天官也。大宗，掌禮樂。大史，掌文籍。大祝，掌祭祀。大士，掌刑罰。大卜，掌卜筮。典，常也。典以法言，官以人言。典由官行，官爲典設。首言天官而承以六典，卽周禮冢宰掌六典佐王之意。司徒，人民之官司。馬，征伐之官司。空，國邑之官司。士，教化之官司。冠，刑罰之官。五衆，五官之屬。皆佐天官脩六典者也。天有六氣，以運四時。象以六典，地有五方，以司

五行象以五官。六大不偏舉。故大宰首六典以統其
大五官不雜越。故天官無專職以別于衆。人民象春
征伐象夏。國邑象中央。教化象秋。刑殺象冬。府工之
名亦取五氣。皆天子所以官天地法四時者也。周禮
之義蓋原於此。藏貨財曰府。造器用曰工。司土。山虞
之類。司水。川衡之類。司草。稻人。草人之類。司器。角人
之類。司貨。鬯人之類。六職。六府之職。土工。陶人之類。
金工。冶人之類。石工。玉人之類。木工。梓人之類。獸工。
鮑人之類。草工。筐人之類。各詳周禮六材制器之材。
五官致六材之用。以納於六府曰享。享者。下貢上之

名

按論語云邦君之妻君稱之曰夫人故妻者判合齊體之名其於天子則后也以次婦嬪下頗不倫記者欲以夫人配諸侯世婦嬪配卿大夫妻妾配士庶人而天子兼統亦周禮名法之例也詩曰刑于寡妻敵體無二曰寡鄭據昏義天子八十一妻謂天子六寢后夫人以下百二十人以次當夕半月一周一月再周以法朔望則是天子無夕不內否則朔望之序闕矣豈先王慎起居寡嗜慾遠女色希幸御之道乎開後世人主好內之端非所以爲訓大官府工之說寔

周禮之濫觴。天官卽冢宰。大宗卽春官。大史大祝大卜皆春官之屬。而無大士。或云卽士師司寇之屬也。司士別屬司馬記以配五官。此其所異耳。蓋記之意以五官同出于天。而其事通名爲大。故典有宰以一其統。而官不立宰以分其職。後世謂諸侯司徒卽宰。不知曲禮王司徒上本無大宰也。周禮增冢宰而虛司空其義則一。大抵禮非一家之書。蒼叢錯雜。難可強齊。鄭氏穿鑿比擬參差。輒推殷夏。今按記以大宰首六大。周禮以天官統六典。記不設冢宰。周禮不備冬官亦五官耳。財貨器用考工之法。與六府六工大

旨不殊安在記之獨爲殷禮乎鄭又謂周禮殘闕以考工記補今以記徵之周禮未嘗缺而考工記亦非補要之非古使周禮果周公之舊曲禮焉得而驟更之

五官之長曰伯是職方其擯於天子也曰天子之吏天子同姓謂之伯父異姓謂之伯舅自稱於諸侯曰天子之老於外曰公於其國曰君九州之長入天子之國曰牧天子同姓謂之叔父異姓謂之叔舅於外曰侯於其國曰君其在東夷北狄西戎南蠻雖大曰子於內自稱曰不穀於外自稱曰王老庶方小侯入天子之國曰某

人於外曰子。自稱曰孤。

五官之長。蓋三公。爵在司徒等五官上者。伯長也。職長四方。如虞四嶽。周二伯。後世左右丞相之類。擯天子所使接賓者。擯於天子。謂入見而擯致辭。則曰天子之吏。職事者也。天子稱伯之同姓者。曰伯父。異姓曰伯舅。伯自稱於諸侯。曰天子之老。老父於事者也。諸侯之人稱之曰公。爵本公也。國人稱之曰君。或謂公君皆自稱。非也。九州非一國。於內推一賢侯。長之曰牧。牧養也。興利除害曰養。叔父叔舅。伯之亞也。諸侯之人稱之曰侯。本國人稱之亦曰君。夷狄戎蠻五

服所謂綏要荒也。臯陶謨曰：州有十二師，外薄四海，咸建五長。古者內有伯，中州有牧，邊圉有子，皆大國也。故春秋楚稱子，蓋南州要荒之長，不穀猶言不善庶方，猶四方，孤猶寡也。謙辭。

按此節多襲春秋之例，故云夷狄戎蠻雖大曰子。春秋惟楚稱子，說者謂爲夷之。夫九州之地，在春秋莫大于楚。西戎爲秦，地雖遠而世爲周京。東夷則外濱海，而地迫促。北盡冀州，唐虞以來世爲帝鄉，而外逼沙漠，亦迫促。惟南方荆衡之陽，閩粵蜀滇，延袤萬里，楚據江介，外連諸蠻，最大稱長，而僭用王號，故春秋

正其班爵稱楚子非謂其爲夷狄也不穀孤寡人君
謙讓之通稱今謂大稱不穀小稱孤亦拘也稱某人
者春秋書人之例書人亦本非例也諸侯見於天子
天子迎勞問餽擯介傳命如周禮儀禮近瑣擯以諸
侯見天子但稱吏不名近倨天子與諸侯燕飲言笑
勸酬或宗親耆老策勲崇德時稱伯叔父舅所以敦
倫而親親也至於朝廷之禮名不正則言不順平王
之命文侯稱伯父字而不名豈可爲訓記者據春秋
以來諸侯辭命相沿爲古禮非必盡古也

天子當依而立諸侯北面而見天子曰覲天子當宁而

立諸公東面諸侯西面曰朝諸侯未及期相見曰遇相見於郤隙地曰會諸侯使大夫問於諸侯曰聘約信曰誓泣牲曰盟諸侯見天子曰臣某侯某其與民言自稱曰寡人其在凶服曰適子孤臨祭祀內事曰孝子某侯某外事曰曾孫某侯某死曰薨復曰某甫復矣既葬見天子曰類見言謚曰類諸侯使人使於諸侯使者自稱曰寡君之老天子穆穆諸侯皇皇大夫濟濟士賡賡庶人僬僬無天子之妃曰后諸侯曰夫人大夫曰孺人士曰婦人庶人曰妻公侯有夫人有世婦有妻有妾夫人自稱於天子曰老婦自稱於諸侯曰寡小君自稱於其

君曰小童自世婦以下自稱曰婢子子於父母則自名也列國之大夫入天子之國曰某士自稱曰陪臣某於外曰子於其國曰寡君之老使者自稱曰某天子不言出諸侯不生名君子不親惡諸侯失地名滅同姓名

依作屨狀如屏風高八尺以絳爲質繡斧文于上天子見諸侯則負此立觀近也親近天子見之也寧門屏之間人君寧立以接羣臣也朝言早也覲則天子堂上諸侯拜下相臨之禮也朝則有事相謫天子在門公西侯東公尊故在賓位此相接之禮也鄭氏云天子五門外曰臯門內曰庫門又內曰應門又內曰

雉門又內曰路門卽畢門也天子有三朝一在臯門內庫門外謂之外朝一在路門外謂之治朝一在路門內謂之燕朝諸侯三門亦三朝也未及期謂卒然有事不及擇期也卻隙同隙地謂不在國中也可聘無事以禮相存問也誓謂有事以言相結約也盟以鬼神相詛盟也涖臨也殺牲取血塗口傍加誓書牲上爲坎埋之渝此盟如此牲也諸侯見天子擯者之辭曰臣某侯稱其國也某稱其名也寡人寡德之人謙也適子孤別於庶子也無父曰孤內事宗廟之事外事百神之事曾孫祖始封之君而稱明不敢專也死

曰薨赴告之辭。薨昏也。幽晦之義。復始死升屋招魂也。諸侯薨將葬則類舉其生平行事請於天子爲諡以易其名曰類。既葬嗣君入見天子卽稱先君之諡明以類繼也。言諡曰類釋類之義也。天子穆穆朝見之容也。穆穆深遠貌。皇皇顯明貌。躋躋整齊貌。踳踳步趨貌。僬僬局謹貌。妃配也。孺柔順也。婦服也。老婦老而服事人也。小童幼昏無知也。婢卑賤也。子於父母自稱名。貴賤同也。列國之大夫入天子之國擯辭曰某士。天子上士三命。諸侯之大夫亦三命也。陪重也。天子臣之臣也。於外曰子。他國人稱子也。子有德

之稱於其國謂在本國對他國使者自稱寡君之老若奉使在他國對他國君自稱某名也天子不言出奔王者無外也諸侯生不名卒則以名赴也君子不親惡叛臣亡子不納其款也諸侯失國則名不成其君也滅同姓則名無親也五者春秋之義也

按朝覲聘問之禮記言近之人臣于天子有朝覲而已會遇者諸侯相見之事故儀禮獨有覲而無朝朝即覲也世儒謂朝宗遇禮今亡周禮云春朝夏宗秋覲冬遇若是則終歲奔走無寧日故鄭玄分六服爲六歲侯服一歲至甸服二歲至男服三歲至采服四

歲至。衞服。五歲至。要服。六歲至。至之。年各按四時分
四方。春東夏南。秋西冬北。一分春朝。一分夏宗。一分
秋覲。一分冬遇。六歲而六服徧。是謂時見。曰會也。十
二年。天子有事不巡狩。六服皆至。是謂殷見。曰同也。
四時諸侯遣大夫來聘。天子是謂時聘。曰問也。每元
年。七年。十二年。惟侯服來。其不來者。皆使大夫聘。是
謂殷見。曰視也。周禮近瑣。而鄭極意附會。尤瑣。謂覲
行於廟。朝行於朝。則是朝廷之上。諸侯終無北面之
禮矣。人臣見天子。自古北面。今謂公西侯東。爲班次
則可。未聞人臣朝君。不北面稽首。但門屏間東西相

向一立謂之朝者也。郊特牲云：下堂而見諸侯，天子之失禮。由夷王以下，豈可爲古禮乎？大抵周衰禮廢，諸侯惡害已而去其籍。孟子已謂其詳不可得聞。春秋戰國以來，諸侯自王，古禮墜地。後儒各以臆見補撰，非先王之制。此節多後人解春秋例，亦非春秋本義也。會遇誓盟，五霸爲之。誓則三代有焉，其誓湯誓、牧誓、聖王以遏亂，非大平盛事也。若夫歃血詛盟、市井、駟、儉之約，非王公雅道。詩曰：君子屢盟，亂是用長。春秋所賤也。人死升屋，嗥復，亦委巷之禮。諸侯夫人見天子，自稱老婦，則是諸侯見天子，可自稱老夫。如

尉佗對漢文帝不儼然敵國乎。論語云。邦君之妻。邦人稱之曰君夫人。稱諸異邦曰寡小君。皆邦人稱。非夫人自稱也。今誤襲爲夫人自稱寡小君。然則諸侯適異邦。可自稱寡君乎。天子不言以下。皆春秋傳例。天子不言出。是天王出居之例也。諸侯不生名。是穀伯綏來朝之例也。君子不親惡。是邾庶其以漆閭立來奔之例也。諸侯失地名。是楚以蔡侯獻舞歸之例也。滅同姓名。是衛侯燬滅邢之例也。例于春秋本不盡合。而以言禮。則禮豈後春秋作邪。亦足以明記之。非古矣。

定言類集 卷二
為人臣之禮不顯諫三諫而不聽則逃之子之事親也
三諫而不聽則號泣而隨之君有疾飲藥臣先嘗之親
有疾飲藥子先嘗之醫不三世不服其藥

三諫猶屢諫非定三次也醫三世亦言屢世精業非
定祖考身三也

儼人必於其倫問天子之羊對曰聞之始服衣若干尺
矣問國君之羊長曰能從宗廟社稷之事矣幼曰未能
從宗廟社稷之事也問大夫之子長曰能御矣幼曰未
能御也問士之子長曰能典謁矣幼曰未能典謁也問
庶人之子長曰能負薪矣幼曰未能負薪也問國君之

富數地以對山澤之所出問大夫之富曰有宰食力祭器衣服不假問士之富以車數對問庶人之富數畜以對

擬比也倫類也貴賤賢愚各以類相比非是則瀆也下五對皆於其倫之意五問皆問其自幼而長也問天子之年臣民自相問非問天子也至尊不敢徑斥但云聞其形體之長短能服衣若個尺干猶個也若干者不定之辭隨短長爲數也國君有宗廟社稷從事謂從祭祀古者五十爲大夫故不問其年而問其子之長幼御謂御車大夫有車馬也典謨猶與客應

門之役將命之事也。負薪勞賤之事也。君有國山澤所出金石魚鹽之類。大夫有邑宰。邑宰食力食民之力。祭器衣服不假。言有田祿奉祭器服皆備也。士三命則賜車馬。庶人則養六畜。惟天子不問富天下莫非其有也。

天子祭天地祭四方祭山川祭五祀。歲徧諸侯方祀祭山川祭五祀。歲徧大夫祭五祀。歲徧士祭其先。凡祭有其廢之莫敢舉也。有其舉之莫敢廢也。非其所祭而祭之名曰淫祀。淫祀無福。天子以犧牛諸侯以肥牛大夫以索牛士以羊豕。

凡祭之義皆主者精神所通德有隆殺則對越有大
小業有廣狹則感格有遠近天子總理乾坤故上祭
天下祭地環祭四方及天下名山大川祀水火金木
土五氣之神每歲祭必一周諸侯分封一方則隨其
所居一方祀之不得祀天地兼四方也祭其方內山
川及五祀之神每歲亦祭一周大夫但祭五祀歲周
山川亦不得祭也士惟祭其先祖五祀亦不得祭也
凡祭有常典并其已廢者舉之則數而諂并其當舉
者廢之則慢而疎諸不在祀典內者祭之則爲淫濫
之祀淫祀違禮違禮則蕩凡牲色純曰犧肥謂養之

於滌三月而後用之詩所謂秋而載嘗夏而福衡天子諸侯同但諸侯不必色之純也索臨期求索肥者用之不必在滌也士羊豕則牛不得用也

按祭祀之禮此節爲典要學者酌其義裁其當崇雅黜俗明白正大萬世可因矣若執文強同鮮有合者羊豕曰少牢而解儀禮者分少牢爲大夫特牲爲士則記言爲僭矣則又解曰記言天子大夫士而儀禮諸侯之大夫士也凡記言大夫多屬諸侯何獨此爲天子天子之大夫猶諸侯也雜記云上大夫之虞也少牢卒哭成事祔皆大牢亦未明言天子大夫何知

儀禮之是而記言之非乎。鄭康成言鬼神甚沓雜。祭亦煩瑣。天神有昊天上帝。又有五天帝。蒼帝。赤帝。黃帝。白帝。黑帝。各有名字。配以五人帝。春大皞。夏炎帝。季夏黃帝。秋少皞。冬顓頊。佐以五官。春句芒。夏祝融。中后土。秋蓐收。冬玄冥。又有四時寒暑日月星辰水旱風師雨師司中司命等。皆天神也。地中央曰崑崙。崑崙東南五千里曰神州。皆地祇也。五嶽四瀆九州名山大川。丘陵墳衍川澤。皆山川也。春祀戶。夏祀竈。季夏祀中霤。秋祀門。冬祀行。五祀也。又加泰厲司命。七祀也。祖廟天子七。諸侯五。大夫三。士二。庶人祭于

寢皆先祖也。每歲四時迎五氣祭五帝五官于郊。孟冬祈年于天宗。冬至郊祀昊天上帝。春分郊祀高禘。孟夏夏龍見而雩。又郊。季秋享上帝于明堂。有大事出類于上帝。宜于社。或謂一歲祭天者九。祭地者二。又有望有稷有社。有報賽。有新禱。有禳禳。歲終有蜡。畢祀山川與帝之大臣。天之神祇。其他祭名不可詳考。猶外事也。宗廟內事。則有春祀夏禴秋嘗冬烝。四時薦新。每月告朔。吉事告凶。事告出告反告。皆有奠饋。三年而祫。五年而禘。祭法云。七廟五廟皆月祭。周語云。日祭月祀時享。又云。日祭月享時類。家語云。親廟

月祭皆內事也。總之事鬼之禮。歲無虛月。月無虛日。果若斯。先王之治國家。鬼爲政耳。大抵傳記。禘據舊聞。彙緝成禮。而鄭康成援引緯書。附會雅俗。混陳所以紛挐多端。莫適所從。獨此節之言。馴雅簡要。爲可信耳。

支子不祭。祭必告于宗子。

支子庶子也。宗子適子也。古者五宗之法。所以崇正適。一統系。而杜侵越也。自始祖而下。以適繼適。百世不易者。所謂大宗也。合族人宗之。大宗之外。爲小宗者。四身以上。父之適子。同父兄弟共宗之。同祖之適。

子從兄弟皆宗之同曾祖之適子再從兄弟皆宗之同高祖之適子三從兄弟皆宗之至高祖五世服絕而宗易此所謂小宗也繼始祖之大宗則始祖以下之廟皆在焉繼高曾祖父之小宗則高曾以下祖父之廟皆在焉凡各支子欲祭其先皆于各宗子之家告宗子而後祭不敢專也

按先王之世教化行而習俗美國有仁讓之風家有孝弟之行人皆親上敬長故宗法可久三代而下世衰教微人懷忮懣父子兄弟之間一人貪戾輒衡行恣睢而欲以宗法齊九族難矣故行禮有本非虛文

可羈縻也。後世宗法惟天子諸侯與勳舊世官爲要。本支明世系正然後可杜爭奪之患。權重故法易行。百世不易可也。五世後遷可也。若士庶分齊禮卑嫡寡而庶繁爲宗子者苟未象賢雖以天子諸侯之適族人叛之而況士庶乎。宗子不克家徒恃宗法以繩宗人宗人不服倚衆強以拒宗子則宗法往往禍宗。故宗天下國易宗家人難也。今云庶子不得奉祭五世之廟皆在宗子家則宗子家廟不勝其多。六世宗易廟又當毀世有遷易歲有增改則不勝紛更。族遠支大皆貧賤者多自支出必欲誦其賢達以從愚賤。

之適奪其祭祀削其禮數勢有難行亦人情理數之
自然耳然則宗法不行而支子遂終不得祭乎存禮
而反廢禮故必緣人情而後禮可行也

凡祭宗廟之禮牛曰一元大武豕曰剛鬣豚曰臠突肥

羊曰柔毛鷄曰翰音犬曰羹獻雉曰疏趾兔曰明視脯

曰尹祭考魚曰商祭先鮮魚曰脰提祭水曰清滌酒

曰清酌黍曰薌音合梁曰薌其稷曰明粢稻曰嘉蔬韭

曰豐本監曰鹹醴音玉曰嘉玉幣曰量幣

一元一頭也武足跡也豕彘也小豕曰豚膾肥貌翰

音高聲也羹獻可為羹以獻也疏趾足趾開張也明

視兔目開而視明也尹割正也割肉方正乾以爲脯也
也橐魚乾魚也商度也商度燥濕之宜也脰直也魚
敗則餒鮮則挺直薊香也合黏也梁似黍稷而高其
莖葉也梁其高故稱梁稷粟也柔細米也粟米細故
稱柔明潔也稻稌也分苗而樹之如蔬菜然故曰嘉
蔬豐本根叢生也大鹹曰醢玉無瑕曰嘉幣中度曰
量

按諸名取義未甚允藁獻何獨犬疏趾何獨雉乾魚
何以商一元大武近迂僻或古祝辭有是語後人因
襲杜撰於禮未爲典要也

天子死曰崩諸侯曰薨大夫曰卒士曰不祿庶人曰死
在牀曰尸在棺曰柩羽鳥曰降四足曰漬自死冠曰兵
祭王父曰皇祖考王母曰皇祖妣父曰皇考母曰皇妣
夫曰皇辟生曰父曰母曰妻死曰考曰妣曰嫡壽考曰
卒短折曰不祿

崩下頽也薨崩頽聲又薨夢也卒終也不祿士代耕
有祿死則不祿死言漸也消盡之義尸陳也白虎通
曰失氣亡神形體獨陳也柩究也久也降落也羽鳥
飛翔死則降落四足謂走獸漬腐敗也或曰病相染
漬左傳云大災大漬也公羊云大瘠也瘠漬通皇大

也君也曰皇曰王曰辟蓋以神事之而尊其號猶今稱府君之類考成也德行成也妣言媿也與考相媿也辟君也法也夫爲婦君效法也嬪婦人有儀範可賓禮也

天子視不上於袷夾不下於帶國君綏委視大夫衡視士視五步凡視上於面則敖下於帶則憂傾則姦

袷衣領間帶腰間綏垂也衡平也六尺爲步五步爲三丈凡人精爽浮于目瞻視可以占敬肆分有尊卑德有大小則敬有深淺此節卽天子穆穆諸侯皇皇大夫濟濟士蹠蹠之意天子叔視蔽明目不離身上

不過領下不過帶敬之至也國君視稍開而常綏垂其目不揚視也大夫平視則稍遠矣士視三丈又遠矣蓋尊者安靜養重卑者承奉應接靜躁不同也視上於面謂昂首仰視傍若無人則其氣傲下於帶謂俛首俯視中有所思則其心憂傾謂側目邪視志行不端則其人姦

君命大夫與士肄異在官言官在府言府在庫言庫在朝言朝朝言不及犬馬輟朝而顧不有異事必有異慮故輟朝而顧君子謂之固在朝言禮問禮對以禮

凡君所命令之事大夫與士皆相與肄習之以求其

審恐臨事生疎失措也官職守也府圖籍之府庫兵
甲之庫朝朝堂在居其職也言者講求肄習也公朝
之上言犬馬畜牧之事則鄙矣方行禮于朝廷之上
輟朝而左右顧盼心不在朝不有怪異之事必有怪
異之憂不然則草野固陋不達朝廷之禮者也朝廷
莊敬儼恪之地禮之所出也故在朝則言禮凡所問
所對皆以禮也

大饗不問卜不饒富

大饗謂郊天大禘禘之類日月素定故不問卜不饒
富謂物有常品常數不得過爲贏餘致暴殄也書彤

日曰典祀無豐于昵以此

凡摯至天子鬯諸侯圭卿羔大夫鴈士雉庶人之摯匹
童子委摯而退野外軍中無摯以纓拾矢可也婦人
之摯棋棗脯脩棗栗納女於天子曰備百姓於國君
曰備酒於大夫曰備婦灑駘

摯與其同至也執物而至爲相見之資也禮無辭不
相接無禮不相見貴其不相瀆也故國君相見必以
擯介一相見必有以先之主客相接必有以爲贊君
子于尊不敢質也天子無客以贊交神明則用鬯
鬯之酒諸侯上交于天子以圭卿以羔取其難進也

大夫鴈取其就列也士雉取其文而介也匹一作疋
古雅字通作鴨鴨不能遠飛象庶人不離畎畝也
委摯奠所贄物地上不敢與長者親授受也童子之
贄束脩而已野外軍中非行禮之處野外以纓馬盤
纓也軍中以拾夫拾射鞬也婦人之摯見舅姑之類
棋果各形似珊瑚味甜一名石李榛似栗而小乾肉
方爲棗長爲脩脯者始成脩者和治也納女謂六禮
之答幣備蒲數待擇也天子娶百二十人故曰百姓
姓之六生也詩云振振公姓百姓廣生育也

禮記通解卷二終

禮記通解卷三

郝敬習

檀弓上第三

檀弓。人姓名記者以篇首有檀弓語。因以命篇。篇中所記多春秋以來事。未必盡實。於禮亦未盡合。蓋先秦戰國時人之筆。非古聖舊典也。

公儀仲子之喪。檀弓免焉。仲子舍其孫而立其子。檀弓曰。何居。我未之前聞也。趨而就子服伯子於門右。曰。仲子舍其孫而立其子。何也。伯子曰。仲子亦猶行古之道也。昔者文王舍伯也。考而立武王。微子舍其孫。臚也。上

而立行也。夫仲子亦猶行古之道也。子游問諸孔子。孔子曰：否。立孫。

此節明繼世以過之禮。公儀氏仲子字魯同姓大夫。免纁通免冠而加布曰纁。蓋初喪未成服之服。今人初喪以白布纏頭其遺制也。凡五服以至朋友皆然。公儀仲子初死。檀弓爲之免。亦親在五服內者。鄭康成謂故爲非禮。以譏其廢適之失。盤也。仲子適子死而有適孫。舍適孫立庶子。檀弓疑之。何居。言于禮何在也。猶尚也。亦者擬議之辭。伯邑考文王適子。脂微子適孫。衍微子弟。微子適子死。有適孫不立。立弟。所

謂古之道也。孔子言當立孫以適。繼適則統系正而人心一。有天下國家者之定禮也。雖然紂之亡商也以適而衛輒之拒父也以立孫。禮非聖人不能權也。○按免與纒異。脫帽露頂曰免。免冠戴布曰纒。故史記禮書引荀子云。郊之麻纒與冕同。喪服小記云。爲母免而以布。然則爲父免而不以布可知。不以布免也。以布則纒也。喪服記云。朋友在他邦袒免亦免以布也。五服初喪未成服皆免。何爲非禮。大傳云。五世袒免謂五世外服盡者。止於袒免。猶今人弔死送葬皆著麻布頭巾之類。以易玄冠非別有袒免一服。輕

於總麻在五服之外者也音宜如字

事親有隱而無犯左右就養無方服勤至死致喪三年
事君有犯而無隱左右就養有方服勤至死方喪三年
事師無犯無隱左右就養無方服勤至死心喪三年

親生君治師成古今之通誼也子事親臣事君弟子
事先師民生之大分也父母天親恩勝故情有回護
而無違拂左右親就奉養竭力無有定方服任勤勞
以至於死極哀盡禮致喪三年此事親之禮也君臣
義合以父母之無犯事之則為諂以父母之有隱事
之則為欺雖將順同心而勢遠分睽不得上達較之

宮而不敢哭。武子曰：合葬非古也。自周公以來，未之有改也。吾許其大而不許其細，何居？命之哭。

愚按：爲宮室而窆人之墓于階下，季武子或忍爲之。然杜氏何不以情請不得，則當改葬，不改葬，未有更往合葬者。檀弓之言大抵脩文而託之乎禮，如左傳於春秋未足深據耳。

子上之母死而不喪，門人問諸子。子曰：昔者子之先君子喪出母乎？曰：然。子之不使白也，喪之何也？子思曰：昔者吾先君子無所失道，道隆則從而隆，道污則從而污，伋則安能爲伋也？妻者是爲白也，母不爲伋也。妻者是

不爲白也。母故孔氏之不喪出母。自子思始也。

按儀禮爲出母。齊衰杖期。冢嗣爲父後者。於出母無服。子上伯魚皆爲父後者也。子上子思之子名白。子思之妻生白。見出死而子思不使白爲其母喪。門人疑故問也。先君子謂祖仲尼。父伯魚也。伯魚之母亦見出。而孔子使伯魚喪期而猶哭。故門人引以爲比。無所失道。謂惟聖人能盡道。乃能以道行權而自爲隆殺。中人惟守常執經。不敢違禮也。汚猶殺也。隆指先君子。汚子思自謂。

按出妻。人倫之變。非士君子之高誼。大戴記有婦人

七出之說於人情未宜。今謂孔氏三世出妻，無稽甚矣。詩云：刑于寡妻，豈聖人之配。名賢之母，皆不克其家。好事之說，本無足信。但喪服於父母，何其低昂也。物有天地，人有父母，同天不獨施，父不獨生，故曰父母之喪，無貴賤。一母死，無喪，是路人耳。此禮不宜自孔氏始，然則禮重父而殺母，何也？天地之分也。人生先有氣，後有形，故父稱至尊，知親不知尊者，禽獸也。禮所以別人于禽獸，故以尊為本，非謂母獨可薄也。孔子曰：拜而后稽顙，顙乎其順也。稽顙而后拜，頌乎其至也。三年之喪，吾從其至者。

此言凶拜之禮。凡俯躬皆謂之拜。故周禮有九拜。此所謂拜。屈身以兩膝著地。以首加于手也。稽顙以顙叩地也。不言首言顙者。稽首首不及地。稽顙顙親土也。吉禮與輕喪亦稽首。非父母之喪不稽顙。蓋稽顙重于稽首。稽首重于頓首。當世大喪亦稽顙。但先後失次。拜而後稽顙。如尋常跪俯而後以首叩地。先致敬于賓而後盡哀于己。有從容順序之意。顙順也是當世之禮也。先稽顙而後拜者。開兩手跪伏以顙叩地。然後交手。哀懇迫切之至也。頌懇也。如是乃合凶拜之禮。

按拜者俯躬之名。未有不先拜而顙能著地者。故士喪禮。客弔襚。主人皆拜稽顙。則是拜而後稽顙常耳。此章之言。恐亦後人脩飾拜稽顙與稽顙拜其實一也。

孔子既得合葬于防。曰。吾聞之古也。墓而不墳。今丘也。東西南北之人也。不可以弗識也。於是封之。崇四尺。孔子先反。門人後。雨甚。句至。句孔子問焉。曰。爾來何遲也。曰。防墓崩。孔子不應。句三。句孔子泣。女上聲。然流涕曰。吾聞之古不脩墓。

孔子父墓在防。奉母合葬也。葬地曰墓。土高曰墳。東

西南北言已周流四方無定居也識記也聚土曰封先反脩虞事也門人後待封也防墓崩脩之故來遲也不應以非禮也重治曰脩

按東西南北之人非夫子之言也夫子豈逆知己之老於行乎古者墓必墳使子孫知先域時展謁也今爲宦遊無定而識之則是士大夫家居者葬皆可不墳乎古不脩墓爲始封必慎非謂崩壞者皆不可脩也以此行禮固執不通非聖人之言

孔子哭子路於中庭有人弔者而夫子拜之旣哭進使者而問故使者曰醢之矣遂命覆醢

子路仕衛爲孔悝家臣。蒯聵謀入劫悝，子路救之，蒯聵使人殺子路。遂醢之。弔者弔孔子也。拜之爲主也。肉醬曰醢。覆傾棄也。聞醢覆醢，不忍其似也。

曾子曰：朋友之墓，有宿草而不哭焉。

宿草，陳根也。旣葬而墓有隔年之草，則喪已期矣。爲師心喪三年，爲朋友期可矣。

子思曰：喪三日而殯，凡附於身者，必誠必信，勿之有悔焉耳矣。三月而葬，凡附於棺者，必誠必信，勿之有悔焉耳矣。喪三年以爲極，亡則弗之忘矣。故君子有終身之憂，而無一朝之患，故忌日不樂。

送死者未訣之道不可復補矣。心有不盡，徒貽後悔。惟誠惟信，乃可以免殯。停柩也。始死三日，斂而殯之。附身，謂衣衾之類。三日期迫，勿以匆遽忽之也。誠慮周悉也。信，無虛飾也。三月期，緩可以從容整備也。附棺，謂明器與凡送葬之具。三年喪服之期，有盡者也。不以親亡而遂忘孝子之心，無窮者也。不忘亡，故有終身之憂。必誠信，故無一朝之患。如墓崩而脩，則一朝之患也。忌日，親死之日，不樂，卽終身之憂也。孔子少孤，不知其墓，殯於五父之衢。人之見之者，皆以爲葬也。其慎也。蓋殯也。問於邾曼父之母，然後得合。

葬於防

史稱孔子父叔梁紇母顏氏與叔梁紇野合生孔子孔子生三歲叔梁紇死顏氏終身諱不言其葬處孔子乃以母柩殯於五父之路人以為葬也孔子其審慎之而訪諸行人耳蓋殯也非葬也惟聊曼父之母識其處乃以防告始得合葬焉

按此侮聖滅禮之言何但齊東野人之語耳父早死終母之世不識父墓何以爲子五父之衢是道旁也豈殯柩之所子不識父墓而問諸行道人不已悖乎自六經道喪百家橫議惑世誣民不可勝數鄭玄之

徒一切以爲聖經附會其說而不折諸理可怪也其
慎改其引謂殯引飾棺以輅舊葬引飾棺以柳翼按
周禮大司徒六引以挽柩行則有之殯則焉用引殯
引飾棺以輅據雜記諸侯大夫士行死于道者
卽今棺罩所謂柳也葬行有柳殯將焉用古者殯塗
其棺似今人淺埋之類焉得有引與輅使人見見則
暴棺豈五父之衢而暴親之柩乎

鄰有喪春不相去聲里有殯不巷歌喪冠不綏芮平有虞

氏瓦棺夏后氏聖卽周殷人棺槨周人牆置窆周人以
殷人之棺槨葬長殤以夏后氏之聖周葬中殤下殤以

有虞氏之瓦棺。葬無服之殤。夏后氏尚黑。大事斂用昏。戎事乘驪。牲用玄。殷人尚白。大事斂用日中。戎事乘翰。牲用白。周人尚赤。大事斂用日出。戎事乘騶。牲用騂。

春相巷歌。解見曲禮。綏冠纓之餘而垂者。喪冠無之。去飾也。瓦棺。燒土爲棺。始易衣薪也。塋。燒土爲甌也。周謂以甌環砌其棺也。殷人始用木爲棺。椁。椁。外棺也。槨之言廓。大也。周人加飾棺之具。棺四週曰牆。如甌之有牆也。或曰牆卽柳也。翼形如扇。畫雜文。列置牆外。多寡隨貴賤爲等。殷人之棺。椁無翼者也。殀。死曰殀。凡二十以上爲成人。自十九以下死者。皆爲殤。

八歲至十一歲爲下殤十二至十五歲爲中殤十六
至十九歲爲長殤七歲以下爲無服之殤未三月者
不爲殤禹以治水興故夏后氏尚黑水色也書云錫
禹玄圭是也大事喪事昏日暮色亦黑也驪黑馬殷
人以兵興故色尚金白金色日中色亦白也翰亦白
也易曰白馬翰如周克商故色尚火火克金赤火色
日出色亦赤也駟赤馬駢赤牲

穆公之母卒使人問於曾子曰如之何對曰申也聞諸
申之父曰哭泣之哀齊也斬之情饘粥之食自天子達
布衣衛也繆三幕魯也

穆公魯君名不衍哀公之曾孫也會子名申曾參子也成聲曰哭無聲曰泣喪服緝之曰齊不緝曰斬母齊父斬也厚曰餼稀曰粥自天子達舉貴該賤也當世三年之喪不行故曾子以此告之幕以覆柩布麻布繆以縑帛爲幕而上有綴旒蓋天子綴衣之制鄭作綃非也魯衛皆諸侯同姓禮宜無殊今衛布而魯繆是衛質而魯奢也凡魯禮多潛故曾申舉幕以諷其失

晉侯公將殺其世子申生公子重耳請之曰子蓋言子之志於公乎世子曰不可君安羅姬是我傷公之心

也曰然則蓋行乎世子曰不可君謂我欲弑君也天下
豈有無父之國哉吾何行如之使人辭於狐突曰申生
有罪不念伯氏之言也以至于死申生不敢愛其死雖
然吾君老矣子少國家多難伯氏不出而圖吾君伯氏
苟出而圖吾君申生受賜而死再拜稽首乃卒是以爲
恭世子也

晉獻公殺申生事詳春秋傳安驪姬言君以驪姬爲
安樂也何行如之行無所往也狐突申生傳嘗教申
生避去不聽突乃稱疾不出今將死故使人辭之也
子少指驪姬子奚齊獻公所欲立者也圖謀也論法

敬順事上曰恭

按申生守父之亂命以死則恭矣不可爲孝大舜盡事親之道而瞽瞍底豫爲人子者不當如是邪故忠如屈原恭如申生有硜硜之節而無烝烝之權夫子所謂可以爲難矣仁則吾不知者記稱之以見衛輒楚商臣輩之不恭賢知愚不肖相去遠爾

魯人有朝祥而莫著歌者子路笑之夫子曰由爾責於人終無已夫三年之喪亦已久矣夫子路出夫子曰又多乎哉踰月則其善也

祥祥祭也親喪二十五月而祥祥者吉也自凶趨吉

有漸朝祥暮卽歌故子路笑其太速然當時三年之喪不行而行者苛責之是無已也又恐其人以爲當歌於子路出教其人曰此去當歌之日不多但更間一月至二十七月禫後歌則善矣

按聖人制禮本乎人情喪雖三年實止二十五月兩期多一月耳計親死日又歷二忌日哀事已三度故爲三年所以二十五月而祥也今云踰月是二十六月禫卽用樂矣然士虞禮云中月禫中月者間一月是二十七月也故解者謂二十八日始樂然則所謂踰月善者猶爲未邪記又云祥日鼓素琴又云孔子

既祥十日而成筮歌說相矛盾難盡合也

魯莊公及宋人戰于乘丘縣玄賁奔父御卜國為右馬

驚敗績公陰陰佐車授綏公曰末之卜也縣賁父曰他

日不敗績而今敗績是無勇也遂死之國人浴馬有流

矢在白肉公曰非其罪也遂諫累之士之有諫自此始

也

縣賁父魯士名卜龜卜也國人名右勇士為車右者

佐車副車也馬驚車敗公陰地而副車授綏以載公

也末莫通言但卜車右末卜御士所以致敗蓋怨賁

父之辭故賁父自言已御君久矣君未嘗卜人今日

臨敵敗績是已無勇也遂赴敵死國人養馬者也戰
退浴馬見流矢在白肉公乃知馬驚車敗非縣賁父
之罪遂爲辭誄之誄者類也類其行事以哀之
按誄如今挽辭祭文之類魯哀公誄夫子是也鄭引
士冠禮生無爵死無諡解之縣賁父爲公御非無爵
之士而諡與誄異公誄之非諡之也又謂二人同死
記言死者惟御耳鄭之紕繆如此

曾子寢疾病樂正子春坐於牀下曾元曾申坐於足童
子隅坐而執燭童子曰華而晄堯大夫之簣賁與子春
曰止曾子聞之瞿然曰呼曰華而晄大夫之簣與曾子

曰然斯季孫之賜也我未之能易也元起易筮曾元曰
夫子之病革亟矣不可以變幸而至於旦請敬易之曾
子曰爾之愛我也不如彼君子之愛人也以德細人之
愛人也以姑息吾何求哉吾得正而斃焉斯已矣舉扶
而易之反席未安而沒

樂正子春曾子弟子曾元曾申曾子子也華文貌皖
鮮明貌詩云皖彼牽牛簣卧尊也瞿然驚顧貌呼嘆
聲季孫魯卿華志也詩云如鳥斯革變遷也彼指童
子姑息苟安也

按童子之言非有心也簣之華皖亦非傷禮也曾子

雖不易而終未遂失正也使士與大夫異簞則曾子必不以寢使季孫之賜不義則曾子必不受使其當易則曾元亦必不止然而曾子易之者何也所謂充義之類之盡也季孫之賜非伯夷之樹也華琬之物非儉德之素也衽席之安非惕厲之志也死之日非生事之寬也生不可以絕人遺世而爲己甚死則期無毫髮之憾而纖垢之必淨也故不以華靡之物損吾儉不以季孫之賜傷吾廉不以孺子之言蔽吾聰不以衽席之安惰吾志不以病革之危荒吾死所謂仁以爲己任死而後已者曾子於是乎爲不可及矣

禮記通解 卷之三十一
人誰無死者。會子者。死可矣。何以得此哉。子云。未知
生焉。知死。平日三省克勤。動容貌。斯遠暴慢。出辭氣
斯遠鄙倍。正顏色。斯近信。生而忠信不欺。故死而安
定不亂也。

始死充充。如有窮。既殯瞿瞿。如有求而弗得。既葬皇皇
如有望而弗至。練而慨然。祥而廓然。

充充憤懣之狀。窮阻礙不得通也。瞿瞿視不定貌。求
尋索也。皇皇猶栖栖。悵望貌。親歸草土。望其來而弗
至也。練。期年小祥。以練布易冠。衰。故曰練。慨嘆也。嘆
去日漸遠也。兩期漸吉。故曰祥。廓。開也。窮塞之情至。

是稍開也

邾婁

問

復之以矢蓋自戰於升陘

刑

始也魯婦人之髮

而弔也自敗於臺

壺

始也

始也

始也

邾婁近魯小國卽鄒也邾人呼邾聲曰婁猶越之云於越也復人初死招魂也升陘魯地魯僖公二十一年與邾人戰于升陘邾人勝有戰死者其招魂以矢彰死者志在勝敵用其所好也髮猶男子之免吉則有纒以韜髮凶則去纒而露髮謂之髮臺當作壺壺鮎卽狐鮎地名魯襄公四年與邾人戰于狐鮎魯師大敗男子陣亡者多婦人相弔無衰故髮皆一時之

變禮而後遂以爲常也

按人死取其衣裳升屋以復古之遺俗戰死則尸膏草野猶以其矢復容非誕與戰士死而弔者盡婦人不可解其夫死邪不暇弔人死非其夫邪則魯豈盡無男子而何婦人弔者之多與記言難盡信也

南宮縚切之妻之姑之喪夫子誨之髻曰爾母從從兼爾爾母扈扈爾蓋榛以爲笄長尺而總八寸

縚之妻夫子之兄之女也夫之母曰姑從從太高也扈扈太廣也儀禮婦爲舅姑期期之髻稍輕然母得太高廣蓋以下記者之辭笄簪也吉笄尺二寸喪笄

一尺用竹木爲之。茲蓋用榛木也。總用布加于髮上。猶男子之喪冠也。

子獻子禫。懸玄而不樂。比御而不入。夫子曰。獻子加於人一等矣。孔子既祥。五日彈琴而不成聲。十日而成笙歌。有子蓋既祥而絲履組纓。

此言除喪之禮。孟獻子魯大夫仲孫蔑也。禫祭名。言澹也。大祥後閒一月而禫。初喪至禫。蓋二十七月。記曰。禫而內無哭者。樂作矣。獻子樂雖懸而不作。又曰。禫而從御。吉祭而復寢。比及也。雖及當御之期。而獻子猶宿于外。故夫子稱其加常情一等。此微過於禮。

者也。孔子既祥，謂禫後既從吉也。五日彈琴不成聲，哀未忘也。十日成笙歌之聲，意漸平也。此言聖人適禮之中也。有子既祥，卽以絲緣屨，以雜組爲冠。嬰此又微不及於禮也。曲禮曰：生與來日，欲其遲也。死與往日，悲其速也。故喪雖云二十四月祥，而祥祭乃在來月。實二十五月也。雖云祥後禫，而禫祭又間一月。實二十七月也。蓋傷死者之易遠，不忍遽除此制禮之意也。不及者不仁，而太過者難繼。故禮者酌人情而制之中，記者之意也。

按記者並舉三事，意以孔子爲法。然所記孔子事亦

誣也。十日而成笙歌與朝祥莫歌相去幾何。是子路所笑者。踰月則善。豈謂十日遂可歌乎。前後意相背。獻子禫猶不樂不居內。誠知禮者恆情所難。故曰加人一等。蓋美之。

死而不弔者三。畏厭。壓溺

畏恐懼無聊自盡者也。厭與壓同行。止危險之下。崩壓死者也。溺謂馮河溺死者也。士君子行法俟命三者皆非正命。所以不足弔。

子路有姊之喪。可以除之矣。而弗除也。孔子曰。何弗除也。子路曰。吾寡兄弟而弗忍也。孔子曰。先王制禮行道。

之人皆弗忍也。子路聞之，遂除之。

子路蓋過于厚者，故夫子裁之。

太公封於營丘，比及五世皆反葬於周。君子曰：樂樂其所自生，禮不忘其本。古之人有言曰：狐死正丘首，仁也。太公封齊，營丘身畱周，為太師，死即葬於周，其嗣君居齊死者亦反葬於周。比及五世親盡而後已，樂由中出，懽欣愛樂以進為生，禮由外作，樽節退讓以反為本。生而樂此死而可去，此乎狐穴于高丘，樂其所生也。死則正對其丘以首向之，不忘本也。樂生反本者，仁之道也。

伯魚之母死期而猶哭夫子聞之曰誰與平哭者門人曰鯉也夫子曰嘻希其甚也伯魚聞之遂除之

按父在爲母齊衰期亦十三月而祥十五日而禫若出母則適子無服伯魚之母舊謂爲見出伯魚不聞有弟是適子也而此云期則出母無服之禮不足信也或者夫子特許鯉邪不然則鯉母見出之說不足信也且母死而期年哭豈得爲甚尤不足信也

禭葬於蒼梧之野蓋三妃未之從也季武子曰周公蓋禭

此言合葬之禮古人無之自周公始卽前章譏杜氏

合葬之語。附合葬也。

按尚書孟子皆謂舜妻堯二女未聞三妃也。鄭康成極力附會推廣其說以三爲準。蓋據昏義天子三夫人之說。然恐未足信也。

曾子之喪浴於爨室

爨室廚也。愚按親死於寢移屍浴竈下有是禮乎。記言本謬而鄭康成謂曾子以曾元辭易簣故矯之以謙與解檀弓免公儀仲子之喪同迂儀禮謂掘坎爲塋以新器浴於適室近之。

大功廢業或曰大功誦可也。

此亦喪不貳事之義業者專攻志移則廢誦者口習
暫試爲之可也大功廢業而可誦則大功以上不但
廢業誦亦不可矣大功以下不但誦可業亦不廢矣
子張病召申祥而語之曰君子曰終小人曰死吾今日
其庶幾乎

終者成就之義死者漸滅之名子張姓顓孫鄭謂申
祥子張之子顓孫申祥周秦聲近請張附會難信

會子曰始死之奠其餘閣也與

人老疾飲食不離寢故有閣以自便始死卽以其閣
之餘饌奠之望其復食也儀禮始死以脯醢醴酒奠

于尸東當肩卽此

曾子曰小功不爲位也者是委巷之禮也子思之哭嫂也爲位婦人倡踊申祥之哭言思也亦然

哭之有位所以敘親疎辨恩紀也委巷曲巷也小巷多曲或曰委窮也水下流之聚曰委言至此窮盡也窮巷之人無所見聞故曰委巷之禮嫂叔無服兄弟之妻相爲小功故子思之哭嫂其妻倡踊已隨之言思子游之子或云申祥妻之昆弟也於禮亦無服而申祥哭之亦爲位亦妻倡踊記舉二子無服之喪爲位以明小功無位之非也

按哭妻昆弟之爲父後者于適室子爲主袒免哭踊
夫入則是申祥之哭婦人倡踊又非矣大喪之禮門
內期功之服衆人咸集爲位爲主可也至于異姓之
親無服之喪平居有父母在聞門外總功而輒爲位
爲主免冠袒踊以哭無乃駭觀聽與故曰禮者人情
而已

古者冠縮縫今也衡橫縫故喪冠之反古非古也

布帛經爲直緯爲橫直曰縮橫曰衡橫廣而直狹縮
縫謂以直幅豎縫之從省也古者冠辟積少故可豎
縫無吉凶一也後世冠辟積多豎裁不足必橫廣而

禮記卷之三十一
後可習尚使然實非爲凶縮爲吉橫也後世遂謂喪冠質反吉宜縮縫非古也

按冠莫重于冕而以絲易麻孔子猶從之橫與縮非甚害禮且吉與喪無微不辨安得喪冠不反吉亦非至論

曾子謂子思曰伋吾執親之喪也水漿不入於口者七日子思曰先王之制禮也過之者俯而就之不至焉者改兼而及之故君子之執親之喪也水漿不入於口者三日杖而后能起

親喪之禮服衰止三年哭泣止三月不食止三日蓋

三日可以怠而食三月可以解而冰三年可以祥而除矣使過者俯而就不至者可跂而及焉若以親恩爲罔極吾情爲無已狗無已之情而不節以禮在已者不可傳而在人者不可繼會子所以不爲子思取也樂正子春之母死五日不食旣而悔之況七日乎曾子曰小功不稅送則是遠兄弟終無服也而可乎

稅者追償之名日月已過聞喪而追服之曰稅小功五月多衆兄弟之服如相去遠則聞喪有後時者當世以爲服輕過期則不稅故曾子非之

按喪服小記云降而在緦小功者則稅然則正小功

不稅禮耳。曾子之疑蓋用情之過。小功皆稅何以別于上焉者乎。情無窮而文有節。所謂行道之人皆弗忍也。然則已。諸曰。易吉以承之。哭踊以哀之。逾月而已可也。

伯高之喪。孔氏之使者未至。冉子攝束帛乘馬而將之。孔子曰。異哉。徒使我不誠於伯高。

伯高與孔子善而死于衛。孔子弔使未至。冉有代致束帛爲賻。四馬爲贈。而以夫子意將之。蓋輕於施而未深於禮也。禮以副情。物既不出于夫子。而夫子又終難自白。故曰。空使我不誠於伯高。徒猶空也。凡帛

五匹爲束四丈爲匹

伯高死於衛赴於孔子孔子曰吾惡乎哭諸兄弟吾哭諸廟父之友吾哭諸廟門之外師吾哭諸寢朋友吾哭諸寢門之外所知吾哭諸野於野則已疏於寢則已重夫由賜也見我吾哭諸賜氏遂命子貢爲之主曰爲爾哭也來者拜之知伯高而來者勿拜也

赴與訃同告喪也兄弟先祖之子孫故哭於廟父之友父之外交也故哭於廟門外寢已之正寢師已之所事也故哭師於寢朋友因師及故哭於寢門外所知謂泛相知者故哭於野伯高于夫子視同道之友

則稍輕視泛然之知則稍重故使其所因者為主而
哭於子貢之家如人聞其哭謂爲子貢而來者則弔
生之禮在子貢爲伯高而來者則傷死之禮在伯高
拜與不拜各裁其宜

按此章之言明禮之義非必拘拘爾說見前曾子小
功不爲位章兄弟哭諸廟師哭諸寢可也若夫廟門
外哭則迂迂沉又哭諸野乎君子登城不呼車中不
疾言爲其驚衆也爲位哭於野人將以爲狂是何禮
與生因其人其死因其人哭感觸動情則有之必使
爲喪主爲位受弔而往哭於無喪者之家謂非迂乎

雜記謂遠兄弟之喪哭諸寢是不于廟也奔喪謂師
哭諸廟門外是不于寢也宮室之次有限而內外三
黨之喪無常安得一一別其所哭之位至于門外至
于野至于借他人家哭不情甚矣凡記言拘瑣類此
曾子曰喪有疾食肉飲酒必有草木之滋焉以爲薑桂
之謂也

孝子居喪食旨不甘如有疾則宜變通滅性者不孝
苟食者廢禮故爲疾飲酒食肉亦必有藥物之和而
後可不然爲酒肉而已以爲者釋曾子草木之意薑
草屬桂木屬皆藥物亦可和飲食內則云芹薑與桂

是也有藥物之和乃爲有疾者會子居喪水漿不入
口者七日正此意言居喪不可妄飲酒食肉非爲飲
酒食肉者謀也

子夏喪其子而喪其明曾子弔之曰吾聞之也朋友喪
明則哭之曾子哭子夏亦哭曰天乎予之無罪也曾子
怒曰商女何無罪也吾與女事夫子於洙泗之間退而
老於西河之上使西河之民疑女於夫子爾罪一也喪
爾親使民未有聞焉爾罪二也喪爾子喪爾明爾罪三
也而曰女何無罪與子夏投其杖而拜曰吾過矣吾過
矣吾離羣而索居亦已久矣

喪子喪明謂其子死哭而瞽其目也洙泗二水名西河龍門至華陰之地冀州之西河也疑擬也子夏使人尊已甚于尊師哭親不如哭子故曾子呼其名而數之久離師友蕭索獨居無由聞過蓋自悔而受教之辭

按弔友喪目亦可無哭既弔又數其罪則如無弔西河尊事是亦夫子之道行也人之尊賢豈賢者之罪孔門曾子最小子夏以曾子父執無呼名數之之禮曾子平日言辭慤謹此辭甚倨不足信也

夫葦居於內問其疾可也夜居於外弔之可也是故君

子非有大故不宿於外非致齋者也非疾也不晝夜居於內

此言平居出入寢興之節早起夜卧出作入息自有常度晝常在外夜常居內惟居喪則廬於中門外雖夜亦不入惟致齋寢疾雖晝亦不出不然則失其常度而人必異之所以可弔而問也由此以推士君子衣服飲食舉動言語一準諸理合于人情安常處順則無往不宜何但晝夜寢興之節而已

高子臯之執親之喪也泣血三年未嘗見現齒君子以為難

高子臯名柴孔子弟子哭不成聲曰泣血卽淚也由
痛出故曰血不見齒謂不微笑微笑則見齒大笑則
見矧君子以爲難蓋甚之之辭子云可以爲難矣仁
則吾不知也禮使人難未可繼也故曰和爲貴中節
之謂和記所以微其辭也

勤
衰與其不當物也寧無衰齊衰不以邊坐大功不以服

衰喪服也取摧折之義當猶合也物謂升縷精麤裁
製廣狹皆合制也不當物與無衰同曰寧者甚言不
當物之不可非謂衰可廢也邊猶偏也凡居喪坐則

專席不與人共吉凶不相漬也共席則偏坐偏坐非
哀敬之容也大功廢業服大功之衰而親勤勞之事
則志不在哀而期以上可知也

按不以邊坐不以服勤亦當物之意春秋傳晉平公
有卿佐之喪而奏樂飲宴屠蒯諫曰服以將禮禮以
行事事有其物物有其容今君之容非其物也卽衰
不當物之義非獨精廡廣狹之應制而已

孔子之衛遇舊館人之喪入而哭之哀出使子貢說
驂而膊之子貢曰於門人之喪未有所說驂說驂於舊
館無乃已重乎夫子曰予鄉者入而哭之遇於一哀而

出涕于惡夫涕之無從也小子行之

此因上章當物之意類記之又以見物當稱志也舊館人舊時在衛之主人說解也驂車轅外馬助葬以財貨曰賻以車馬曰贈馬言賻者客中無財以馬爲財也門人之葬未脫驂如顏路請車不與是也一哀而出涕夫子自言也於禮不必致哀聖人至情無僞故情至而物亦宜至也不然何以副此涕乎從猶副也志先則物從行行脫驂也

按聖人豈有無哀之弔無涕之哭乎何以云遇於一哀而出涕也無涕而哭是強哀也無哀而弔是虛文

也用財用情禮自素定本無盡哀之心偶遇一哀本無賻喪之禮聊以從涕豈聖人之用禮與且載途解驂是廢行也後世任狹之爲非聖人從容中道氣象聖人用禮人情而已矣

孔子在衛有送葬者而夫子觀之曰善哉爲喪乎足以爲法矣小子識之志之子貢曰夫子何善爾也曰其往也如慕其反也如疑子貢曰豈若速反而虞乎子曰小子識之我未之能行也

此記孝子送葬之容往如慕者親如在孝子在後如嬰兒之慕追隨迫切也反如疑者既葬奉神而還

親體在外未知神之來否彷徨不進也虞既葬之日
反而安神之祭名子貢言反如疑不若速反而安神
爲合禮夫安神者猶祭祀之虛文哀痛者尤仁孝之
真心故夫子終不然之

顏淵之喪饋祥肉孔子出受之入彈琴而后食之

顏子之喪祥祭饋夫子以肉時孝子之情且將禫矣
況師於弟子禮無復哀而於回痛惜未已故感觸興
悲入而彈琴自釋非爲樂之而彈亦非前此不彈而
至是始彈也聖人於哀死之情能節之以禮如此

孔子與門人立拱而尚右二三子亦皆尚右孔子曰二

三子之嗜學也我則有姊之喪故也二三子皆尚左
拱而尚右謂兩手相又右手在上也左爲陽右爲陰
吉事尚陽凶事尚陰也

按此事甚淺近二三子學禮未有不知者以一又手
左右訓禮何異學究訓蒙子乎未足信也

孔子蚤作負手曳杖消搖於門歌曰泰山其頽乎梁木
其壞乎哲人其萎位乎既歌而入當戶而坐子貢聞之
曰泰山其頽則吾將安仰梁木其壞哲人其萎則吾將
安放鞵夫子殆將病也遂趨而入夫子曰賜爾來何遲
也夏后氏殯於東階之上則猶在阼也殷人殯於兩楹

之間則與賓主夾之也周人殯於西階之上則猶賓之也而丘也殷人也予疇昔之夜夢坐奠於兩楹之間夫明王不興而天下其孰宗予予殆將死也蓋寢疾七日而沒

負手謂背手向後也消搖消散搖蕩舒放之貌泰山羣山之宗梁木衆木之領哲人衆人之師木病曰萎殯停柩也猶在阼釋所以殯於東階之義孝子不忍死其親猶若在東階爲主也兩楹之間堂中南面東階爲主西階爲賓故曰與賓主夾之也猶賓釋所以殯於西階之義西賓位待死者如賓客也殷人者孔

子其先宋人成湯之後也。疇孰通疇昔卽誰昔猶平昔也。夢坐於兩楹之間。奠饌品於前。蓋殞奠之象也。明王以下。夫子自占其夢。言今天下無明王。誰肯以南面之禮尊我者。殆將死之兆而已。

按此章記者欲神聖人先見而其識轉卑。聖人清明如神。其知死豈待夢。曳杖消搖此原野。莊周任放之態。泰山梁木他人贊聖則可。夫子豈以自稱。夜夢不祥。蚤起悲歌倚戶。無聊見門人。詎語。樂天知命通晝夜。齊生死。氣象其誣不辨可知。

孔子之喪。門人疑所服。子貢曰。昔者夫子之喪。顏淵若

喪子而無服喪子路亦然請喪夫子若喪父而無服
若喪父無服所謂心喪也然亦無衣錦純采之理但
不定期功大小之制或曰五服無師何也蓋五服本
於情師弟之情本於道所謂道隆則隆道污則污未
可一切也雖七十子心喪亦自有等獨居三年惟子
貢爲然篤於恩者疏齊不爲厚殺於誼者功總不爲
薄苟相與未深盡一哭之哀而食稻衣錦亦由其所
自得耳是故師服難豫定也

孔子之喪公西赤爲志焉飾棺牆置饗設披周也設崇
殷也綱切練設旒夏也子張之喪公明儀爲志焉褚菴

丹質蟻 蟻結于四隅殷士也

志與誌通謂誌定其禮節也。牆置翼解見前。鄰有喪章披謂以繩繫棺使人夾引之。此周禮也。崇畫文如牙於旌旗上。詩謂崇牙。此殷禮也。綢緇也。練熟帛以緇旌竿而垂爲旒。載之車上。此夏禮也。夫子道兼三王故禮用三代所以榮之。公明儀蓋子張門人。褚幄也。以覆柩亦謂之幕。丹質以丹色布爲褚。幕之質蟻謂蟲蛾。褚四角結布爲飛蛾之形。垂以爲飾。不置牆。翼不披。殷士之喪禮也。聖人之禮隆賢人之禮殺。所以異也。

按夫子生從周而葬反古非也。顏淵厚葬，責門人之違禮。子路爲臣，惡行詐以欺天，豈亦也未之聞乎？且周公之禮已兼二代，士大夫死而薄，王制私意反古，豈其然乎？

子夏問於孔子曰：居父母之仇，如之何？夫子曰：寢苦，平枕干，不仕，弗與共天下也。遇諸市朝，不反兵而鬪。曰：請問居昆弟之仇，如之何？曰：仕弗與共國，銜君命而使，雖遇之不鬪。曰：請問居從去聲昆弟之仇，如之何？曰：不爲魁，主人能則執兵而陪其後。

處父母之仇，常若居喪，寢苦，卧草也。干，盾也。不仕，不

暇事人之事而專事報復也不反兵謂常操兵器自
隨不待歸取也市朝非戰鬪之所猶不反兵鬪則無
時無處不操兵矣卽枕戈之意魁首也北斗七星杓
爲末魁爲首主人卽從昆弟之子弟

按報仇之說已詳曲禮曲禮多交游之仇此章又加
從昆弟之仇果若斯天下其何人無怨往來報復世
路成網羅無復清寧之日矣此戰國以來游士橫議
豈聖人崇禮之訓而腐儒好信爲世滋亂斷乎不可
以訓也

孔子之喪二三子皆經而出句羣居則經出則否

凡弔服與臨朋友之喪皆加絰出則變之門人爲夫子心喪無服然初喪首腰閒亦必加絰至葬不易雖出不變也所謂出不變者惟出與同門羣居猶生事夫子故皆絰若非同門羣居及有他事別往則亦變矣

易墓非古也

易芟治也亦不脩墓之義

按禮無墓祭不墳不脩不易謂骨肉歸于土無知魂氣有靈栖于廟廟重墓輕也然事死如生亡則弗忘之豈親骸所歸一葬之後遂棄爲荒隴邪三代而下

園陵之禮與宗廟等安見古之是今之非也

子路曰吾聞諸夫子喪禮與其哀不足而禮有餘也不若禮不足而哀有餘也祭禮與其敬不足而禮有餘也不若禮不足而敬有餘也

喪主哀祭主敬此聖人制禮本義但據此言似禮又在哀敬外哀敬不足尚可云禮乎

曾子弔於負夏主人既祖填池推柩而反之降婦人而後行禮從者曰禮與曾子曰夫祖者且也且胡爲其不可以反宿也從者又問諸子游曰禮與子游曰飯於牖下小斂於戶內大斂於阼殯於客位祖於庭葬於墓所

以卽遠也。故喪事有進而無退。曾子聞之曰：多矣乎！予
出祖者。

負夏衛地。祖謂柩將出。設祖奠也。祖者始也。出行之
始也。填猶起也。池謂柳車前懸池。象宮室之承雷也。
士一池當柩前。柩朝祖廟北首。先夕設祖奠。旋柩池
外向。主人踊襲少南。婦人降立於階間。禮也。今以賓
至。填起其池。使見柩。推柩反卻。以示少畱。主人旣奠
踊襲畢。婦人降卽位於階間。而后弔者行禮也。曾子
之從者疑反柩受弔爲非禮。故問之。曾子言凡祖祭
者皆越宿而后行。如聘禮使者遂行。舍於郊。詩云出

宿于泚飲餞于禰韓侯出祖出宿于屠之類且者未
成行之辭曾子援出祖之義以見反柩之無害也飯
謂始死飯含也。牖下室中窓下也。斂有小大以衣裳
多寡爲名。先小斂而後大斂也。戶內房戶內也。阼東
階房戶外之南堂之東也。客位西階上也。庭堂下也
墓則適野矣。自飯至葬自牖下至墓以漸遠死者有
往而無反也多謂多言言過則覺多曾子自悔出祖
之說爲多言也。蓋所言反宿者生人出祖之事生者
可還死者無反所以悔之

曾子襲裘而弔子游裼夕襲而弔曾子指子游而示人

曰夫夫也爲習於禮者如之何其裼裘而弔也主人旣小斂袒括髮子游趨而出襲裘帶經而入曾子曰我過矣我過矣夫夫是也

凡弔喪之禮主人未變服以前弔者皆常服旣變服以後則客亦變服襲掩也裘吉服襲裘謂以衣掩蓋其裘裼裘露裘也凡衣重曰襲單曰裼小斂於戶內斂畢主人乃肉袒用麻結髮奉尸出堂拜賓襲腰帶首經也是時主人服變客亦變乃出襲裘帶經而入曾子以喪凶事初往卽變服故始譏子游而後自悟其非也夫夫上語辭下指子游

按主人小斂前不變服者。昏迷不暇變也。弔者聞人喪而以羔裘玄冠往。於情未稱。故曾子襲裘而不帶經。亦未爲失禮。必如子游不帶經而又裼裘。是以羔裘玄冠弔也。則失禮乃在子游。且二子同弔。曾子失禮。子游何不救正於未入。如子游失禮。曾子何不忠告。乃私指示人。記未足信也。襲裼詳見曲禮下篇首章。及玉藻唯君有黼裘章。舊註失之。

子夏旣除喪而見。予之琴。和之而不和。彈之而不成聲。作而曰哀未忘也。先王制禮而弗敢過也。子張旣除喪而見。予之琴。和之而和。彈之而成聲。作而曰先王制禮

不敢不至焉

此記二賢除喪之事以明禮之中子夏謹守用哀常過故強裁之子張高明哀情易忘故跛而至焉其有和與不和成與不成者各本其資之所近而不敢過不敢不至者則禮之所約而同也故禮者中也先王緣人情而爲制不然雖賢者不能況凡民乎和調也司寇惠子之喪子游爲之麻衰牡麻經文子辭曰子辱與彌牟之弟游又辱爲之服敢辭子游曰禮也文子退及哭子游趨而就諸臣之位文子又辭曰子辱與彌牟之弟游又辱爲之服又辱臨其喪敢辭子游曰固以請

文子退扶適子南面而立曰子辱與彌牟之弟游又辱
爲之服又辱臨其喪虎也敢不復位子游趨而就客位
此節亦明繼世以適之禮司寇惠子衛大夫名蘭文
子惠子之弟名木卽彌牟也彌牟之反爲木古語聲
近猶不來爲狸而已爲耳之乎爲諸之類二子皆衛
靈公孫惠子生虎爲適子惠子死虎不在主人位是
廢適也子游與惠子善欲正之以文子知禮重其服
往弔朋友弔錫衰環絰而已今爲麻衰加牡麻絰是
與齊衰絞絰同若爲死者無嗣而代之服者文子驚
辭猶未悟也子游復趨就其家臣之位又若爲有臣

而無嗣君者文子大驚辭至於子游固請文子始悟
扶適子出南面立示諸臣有主也北面復位使之主
喪也子游乃就賓客之位焉

按此與檀弓問公儀仲子立孫之事同故鄭謂檀弓
之免亦爲非禮以譏仲子夫身爲非禮以正人之非
禮豈教人常法子游檀弓何相襲而行之也子游文
學宿望當時所以感悟文子不在麻衰牡經今人效
之祇益其迂無救於事而反以害禮未可訓也

將軍文子之喪旣除喪而后越人來弔主人深衣練冠
待于廟垂涕洟子游觀之曰將軍文氏之子其庶幾乎

亡無於禮者之禮也其動也中

將軍文子卽衛文子彌牟也禮無弔人於除喪之後者亦無除喪後受人之弔者越人遠後至文子以義起禮深衣白麻布爲衣古人吉凶通用之服練冠練麻布爲冠期年以外之服小祥練冠大祥緝冠也待于廟神主已入廟故待賓于廟也涕自鼻出曰洟亡於禮言無此禮而爲之禮也中合宜也

幼名冠替法字五十以伯仲死諡周道也經也者實也掘中雷而浴毀竈以綴拙足及葬毀宗躐行出于大門殷道也學者行之

幼則稱名。既冠則稱字。五十而艾則稱伯仲。既死則稱諡。此周制也。麻在首在腰皆曰經。實者結塞之意。經之絞急堅固象之中雷屋下也。與五祀中雷異。五祀則庭中也。掘地爲坎以埋浴水。周人掘坎階間少西也。毀竈明不復食也。竈甕熱故以綴足使不僵。便著屨也。周人綴足用燕。凡遷柩朝宗廟設祖奠畢卽毀其廟之垣。躐牆出於大門之外。古者廟在大門內左。不由門踰垣出曰躐。玉藻云登席不由前爲躐。生人遠行祖祭于大門外。封土象山爲神主。祭畢以車躐而過。謂之較。今祖奠于廟毀其廟牆徑出大門外。

亦由生時之較然也。必毀宗者，明不復入也。此以上皆殷禮。殷禮質而直，周禮文而曲。小子行之，夫子教門人語也。

子柳之母死，子碩請具。子柳曰：「何以哉？」子碩曰：「請粥。」庶弟之母，子柳曰：「如之何其粥人之母？以葬其母也不可。」既葬，子碩欲以賻布之餘具祭器。子柳曰：「不可，吾聞之也。君子不家於喪，請班諸兄弟之貧者。」

子柳子碩未詳何國人，蓋兄弟也。具送葬之具，何以言無財也？粥，賣也。布，錢也。家於喪，不以死者爲利也。家貧不能具葬，而又不以喪餘之財爲家，可謂安貧。

而守禮者矣

君子曰謀人之軍師敗則死之謀人之邦邑危則亡之
為人臣者勿嘗試人之軍師勿屑越人之邦邑然後
可免於死亡猶死也國亡與亡人臣之分

公叔文子升於瑕丘。遽伯玉從。文子曰：樂哉斯丘也！死
則我欲葬焉。遽伯玉曰：吾子樂之則瑗院請前。

士君子生不懷居，死擇樂地而葬，非安土能愛之意。
公叔文子貪瑕丘，故遽伯玉微言諷之。文子名拔伯
玉，名瑗，皆衛大夫。

按公叔文子當時稱不言不笑不取死不忘樂而

有貪心是未嘗聞道者伯玉之旨超然過之鄭康成
謂刺其欲害人良田何地無良田而獨瑕丘傳會成
子高語耳

弁人有其母死而孺子泣者孔子曰哀則哀矣而難為
繼也夫禮為可傳也為可繼也故哭踊有節

弁地名孺子泣謂哀痛迫切之至此哭之能滅性者
也故聖人欲其以禮節之雜記曾子告曾申曰哭父
母如中路嬰兒失母無常聲又以孝子至情言也意
不相妨

叔孫武叔之母死既小斂舉者出句尸出戶句袒句且

投其冠括髮于游曰知禮

此明初喪袒括髮之節叔孫武叔名州仇其人毀仲尼未嘗學禮可知喪服小記云斬衰括髮以麻爲母括髮以麻免而以布則是母喪括髮加布與父喪括髮無布異也又喪大記云小斂卒主人于戶內袒脫髦括髮以麻乃徹帷奉尸于堂主人降拜賓卽位襲帶經母之喪卽位而免則是小斂旣括髮而後尸出戶出戶卽位更加纚也又主人脫髦括髮而不言投冠者蓋投冠已在昨日始死而笄纚猶在首問喪云親始死笄纚徒跣是也至小斂畢乃就戶內并去笄

纒解髮爲髦頭東以麻是曰袒脫髦括髮以麻也今武叔尸出戶矣袒矣然且投其冠則是親死越宿而冠尚在首不知禮一也出戶而後袒括髮不知禮二也括髮而免不以布與父喪括髮同不知禮三也故子游不暇數責而但反言譏之蓋不屑教之意鄭康成賈公彥解禮以髦爲事親之飾始死素冠視小斂其謬矣又何遜於武叔也

扶君卜人師扶右射人師扶左君薨以是舉

卜作僕古者君薨必于正寢有疾則外臣入侍以時起居防姦慝也死者人道之終不可不正君疾則僕

人之長與射人之長共扶持不死於閭豎宮嬪之手其慮深矣周禮大僕正掌正王之服位射人掌公卿大夫之位大喪與僕人遷尸師其長也二官常侍君左右疾則扶之死則二臣奉尸遷之也

按後世僕射官名本此

從母之夫舅之妻二夫人相爲服君子未之言也或曰同爨總

母之姊妹曰從母其夫則今謂之母姨夫也母之兄弟曰舅其妻則今謂之舅母也禮爲從母小功從母之夫無服爲舅總麻舅之妻無服二夫人猶言此二

人一人則妻姊妹之子也幼依母姨夫家一人則夫
之外甥也幼依舅母家同居恩養如父母故一人爲
其母姨夫服一人爲其舅母服故曰相爲服此禮經
所不載故曰君子未之言因引或人語明之

喪事欲其縱縱爾吉事欲其折折爾故喪事雖遽不陵
節吉事雖止不怠故騷騷爾則野鼎鼎爾則小人君子
蓋猶猶爾

喪主哀不欲脩飾欲其急而趨事吉主敬不欲怠慢
欲其緩而合禮縱縱急貌綜理意折折止貌整齊意
遽急也陵節越次也止安定也怠慢也于其所急急

而無序則騷騷如是者躁率而爲野于其所止止而不動則鼎鼎如是者拘執而爲小人猶猶曉暢閑習意從容中道也

喪具君子恥具一日二日而可爲也者君子弗爲也

喪具衣棺之屬具豫備也恥猶惡也不以久生期其親故惡之其或非倉卒可爲者不得已而具之若一日二日可辦之物不必具矣

喪服兄弟之子猶子也蓋引而進之也嫂叔之無服也蓋推而遠之也姑姊妹之薄也蓋有受我而厚之者也此釋古喪服之義子死服期兄弟之子亦期宜降等

而不降故曰引而進之以厚一本也。嫂叔同居至親也。死宜服而不相爲服故曰推而遠之以厚別也。父之姊妹曰姑與己之姊妹適人者死皆爲大功似乎薄也。蓋姑姊妹我所宜厚而彼各有所從是有受我之厚而厚之者故我從其薄使彼一心事其所厚也。

○何平叔曰凡男女相爲服非有骨肉之親則有尊卑之異。嫂叔親非骨肉尊卑不異服則有混淆之失。愚按此言似而非也。兄弟伯仲亦非異尊卑也。倫有義合禮有從服非必盡骨肉也。豈有同居之親而死無服者乎。儀禮喪服未必盡出古制卽古制未必盡

可因今禮叔嫂小功姑姊妹在室者期已嫁者大功可謂今禮盡不如古乎

食於有喪者之側未嘗飽也

此孔子之事聖人哀死之心自然如此

曾子與客立於門側其徒趨而出曾子曰爾將何之曰吾父死將出哭於巷曰反哭於爾夫曾子北面而弔焉此旅次聞喪之禮曾子爲舍主人而其客有聞父喪者不敢哭於主人家欲出而哭於巷曾子止之因弔之其徒客之從者也曰吾父死客對曾子之言也

按聞父死而從容議位然後哭豈人情乎不足信也

孔子曰之死而致死之不仁而不可爲也之死而致生之不知而不可爲也是故竹不成用瓦不成味沫木不成斲琴瑟張而不平竽笙備而不和有鐘磬而無篋荀虞巨其曰明器神明之也

此明事死之禮死生不異者人子不忍忘之情而幽明有無不可強同必以事生爲送死則近于誕故知生死之說然後可用禮也之偏向也致極至也以爲死者不復生而極以死者之禮待之是忍於亡親而不仁也以爲死者未嘗死而極以生者之禮待之是暗於察理而不知也二者皆失中故古人送死凡器

用之屬亦如生者之具而不必適死者之用。竹竹器也。味作沫。燒土成沫。乃熟不沫不成器也。平猶和也。不平不可彈也。不和不可吹也。篋。虞所以懸鐘磬。橫者曰篋。直者曰虞。無篋虞不可擊也。凡此皆不致死亦不致死。蓋死者本幽而有生人之用。有作樂之具所以明之也。然用非其所用。樂非其所樂。所以神之也。故曰。明器者。神明之也。神明之者。心也。孝子自盡其心而已。

有子問於曾子曰。問喪於夫子乎。曰。聞之矣。喪欲速貧。死欲速朽。有子曰。是非君子之言也。曾子曰。參也聞諸

夫子也。有子又曰：是非君子之言也。曾子曰：參也與子游聞之。有子曰：然，然則夫子有爲言之也。曾子以斯言告於子游。子游曰：甚哉有子之言似夫子也。昔者夫子居於宋，見桓司馬自爲石椁，三年而不成。夫子曰：若是其靡也，死不如速朽之愈也。死之欲速朽，爲桓司馬言之也。南宮敬叔反，必載寶而朝。夫子曰：若是其貨也，喪不如速貧之愈也。喪之欲速貧，爲敬叔言之也。曾子以子游之言告於有子。有子曰：然，吾固曰非夫子之言也。曾子曰：子何以知之？有子曰：夫子制於中都，四寸之棺，五寸之槨，以斯知不欲速朽也。昔者夫子失魯司寇

將之荆蓋先之以子夏又申之以冉有以斯知不欲速貧也

此明禮本人情當人情之謂禮君子之仕爲道也不爲憂貧顧道以不貧而後行不貧亦非君子所惡也君子之厚葬其親爲廣孝也不爲畏朽顧葬以不朽而安不朽亦非君子所惡也喪失也人死曰喪失位亦曰喪有子欲聞聖人處喪之禮曾子舉遠貧速朽以對皆聖人矯時救弊之言有爲而發也桓司馬宋向魍也向戍之孫南宮敬叔魯大夫仲孫閱也孟僖子之子向魍爲石椁而葬三年不成無益之費故曰

廉敬叔失位去魯還載其實而朝以財自隨故曰貨
中都魯邑名夫子爲宰立法制教民也四寸五寸皆
言厚也之荆將適楚也先之以子夏申之以冉有蓋
陳蔡之厄楚昭王將迎夫子二子以使事往也

陳莊子死赴於魯魯人欲勿哭繆公召縣子而問焉
縣子曰古之大夫束脩之間不出竟雖欲哭之安得而
哭之今之大夫交政於中國雖欲勿哭焉得而弗哭且
臣聞之哭有二道有愛而哭之有畏而哭之公曰然然
則如之何而可縣子曰請哭諸異姓之廟於是與哭諸
縣氏

陳莊子齊大夫陳恆之孫名伯赴告喪也齊強魯畏之故繆公欲爲哭以重其赴也脩脯也十艇爲束天下有道政出於一大夫無私交死不相赴故曰安得而哭天下無道政自大夫出故曰安得弗哭此所謂畏之而哭非愛之而哭也陳莊子異姓故哭諸異姓之廟

按此章之言則是哭泣之哀虛文無實豈行禮之意孟子曰哭死而哀非爲生者畏生者而哭泣以市交則所謂忠信之薄矣今之大夫交政於中國此春秋以來大夫主盟之事豈先王之舊典與

仲憲言於曾子曰夏后氏用明器示民無知也殷人用祭器示民有知也周人兼用之示民疑也會子曰其不然乎其不然乎夫明器鬼器也祭器人器也夫古之人胡爲而死其親乎

此明孝子不忍死親之心仲憲卽原憲孔子弟子也示民無知謂使民知死者之無知也爲其無知故以不堪用之器送之爲其有知故以祭祀可用之器送之疑者不以爲有知亦不以爲無知也用用以從葬也周禮大夫以上兼用祭器曾子以示民無知之說爲非故重言其不然蓋死者雖不必有知而孝子終

不忍以無知死其親人器謂人有知鬼器謂鬼亦有知也。用明器之心亦猶用祭器之心。古之人皆不忍死其親而已矣。

公叔木戊有同母異父之昆弟死。問於子游。子游曰：其大功乎？狄儀有同母異父之昆弟死。問於子夏。子夏曰：我未之前聞也。魯人則爲之齊。衰狄儀行齊。衰今之齊衰狄儀之問也。

此明服制以義裁也。公叔木衛公叔文子之子。公叔戊也。春秋魯定公十四年。衛公叔戊來奔。是也。禮同父母兄弟死爲之服。期則異父同母者當降一等爲

之大功此子游意也魯人服齊衰者從繼父而降也禮異父恩如父者謂之同居繼父服齊衰期其父期則其子齊衰三月可也此子夏述魯人意也曰狄儀之問不曰自狄儀始者魯人先已爲之引此問爲證耳

按禮繼父始同居後異居者齊衰三月未嘗同居者無服則其子又安得槩從齊衰故鄭康成以子游之言爲是愚謂大功九月與齊衰三月無以甚異旣不可以齊衰又可以大功乎近代禮同居繼父兄弟姊妹相爲小功此爲得之

子思之母死於衛。柳若謂子思曰：子聖人之後也，四方於子乎？觀禮子蓋慎。諸子思曰：吾何慎哉？吾聞之有其禮無其財，君子弗行也；有其禮有其財無其時，君子弗行也。吾何慎哉？

此言出母無服之禮。子思母伯魚妻也，死於衛，或生而見出，或死而再嫁也。柳若，衛人。子思之言蓋微示以不當爲服之意。

按孔氏三世出妻此好事者之言。說見子上之母死章。子思之母伯魚之妻，上事天子，下撫子思，夫死再嫁，有是事乎？親喪人所自致，縱禮不得行，情亦當自

盡焉得不慎而曰吾何慎吾何慎是視親喪若無有也豈仁人之言乎曲禮曰貧者不以財貨為禮禮不可斯須去身豈以貧富為行止意謂絕母不當服妻雖有絕而子自不易生我而視同路人豈得為子乎或曰先王制禮重父降母以別于禽獸夫降斬而為齊降三年而為期已甚矣父絕其妻而子即絕其母是無父者為禽獸而無母者得為人不可不有其母與其父相去幾何子思為是禮乎吾弗信也

縣子瑣曰吾聞之古者不降上下各以其親滕伯文為孟虎齊衰其叔父也為孟皮齊衰其叔父也

此記降服之非古也。瑣縣子名古，謂殷夏以前降謂
旁尊旁服，以貴殺賤，以適殺庶，自後世始也。上下猶
尊卑。上如從祖伯叔父之類，下如從子從孫之類。隆
古道厚，死者雖賤，不以已貴爲降，各隨其本屬之親
輕重爲服。滕伯文，滕國大夫，伯文其字也。孟虎、孟皮
皆伯文之叔父，爲士庶人者也。禮，昆弟之子爲叔父，
齊衰期。如昆弟子爲大夫，叔父爲士，則降爲大功。伯
文於二子爲齊衰，是不降也。行古之道也。記者蓋卽
所見以證所聞，獨舉叔父者，降服惟旁屬多也。伯文
本今人，而用古禮，故記舉之以明厚。鄭康成拘泥古

者之語以滕伯爲殷諸侯其揣摩附會類此

按愛親敬長天性也哀戚之情緣親愛而生故喪本
哀戚非以貴賤論厚薄也禮期之喪達乎大夫絕于
諸侯適則降庶尊則歷卑雖品節彬彬而隆古之風
遠矣故親親之殺尊賢之等世教所趨不得不然苟
識其本則敦厚可以崇禮忘本逐末則忠信之薄豈
制禮之意故曰禮不忘其本記者此節於是爲有功
矣

后木曰喪吾聞諸縣子曰夫喪不可不深長忌也買棺
外內易我死則亦然

后木魯孝公子惠伯鞏之後深長思謂送死大事必誠必信也獨舉買棺者親體所藏莫先於此故王制六十歲制七十時制八十月制九十日脩亦卽所謂深長之思也苟未制於平日而買之倉卒尤不可不慎外內易言外內辨治精好勿鹵莽粗率貽後悔也此二句引縣子之言我死亦然后木自戒其子也會子曰尸未設飾故帷堂小斂而徹帷仲梁子曰夫婦方亂故帷堂小斂而徹帷小斂之奠子游曰於東方會子曰於西方斂斯席矣小斂之奠在西方魯禮之未失也

此言始死之禮。始死尸在室去褻衣沐浴。是未設飾也。故帷其堂不使人見室中也。沐浴畢含襲小斂於戶內。奉尸出堂乃徹帷。此曾子釋小斂帷堂之義。爲死者也。仲梁子魯人言始死沐浴男女在戶外哭泣之位未定。故帷堂小斂畢尸出戶主人卽位拜賓乃徹帷。此仲梁子釋帷堂之義。爲生者也。二說皆近小斂之奠。設於堂當尸東。就地不設席。初死不忍以鬼道事親也。鬼事尚右。生事尚左。於東方生事之也。設席而奠於室西。事神之祭也。曾子謂小斂已有席與事神同。奠於西方。不知小斂之席斂席也。非爲奠也。

大斂殯奠於室西。乃設席。子游得之。曾子誤也。記者因正之曰。小奠於西方。魯禮之末失。曾子蓋因魯禮而誤耳。

縣子曰。綌

原衰總

歲裳非古也。

葛布粗者曰綌。麻布細而疏者曰總。喪服上曰衰。下曰裳。禮有總衰而無葛衰。後世有用葛爲衰。總爲裳者。故縣子作之。

子蒲卒。哭者呼滅。子臯曰。若是野哉。哭者。句改之。

子蒲。名滅。哭者呼滅。舉其名而哭也。子臯。高柴字。野。謂不知禮。改之。請改勿呼名。不止其哭也。

杜橋之母之喪。宮中無相。鞋以爲沽。古也。

此言治喪必用相。相謂贊禮者。孝子昏迷。須人相導。庶免疏畧失禮。沽。疏畧也。與良苦之苦同。以爲沽。識禮者以爲沽也。

夫子曰。始死羔裘玄冠者。易之而已。羔裘玄冠。夫子不以弔。

此言始死弔喪之禮。未小斂謂之始死。羔裘玄冠。吉服也。易變也。而已者。主人未變服。賓不麻。經但少改變其所著之吉服。如曾子襲裘而弔。正合此意。旣小斂則弔者皆帶經。旣成服則弔者皆弁經。錫衰自有

常服矣。何獨夫子不羔裘玄冠而已。當時有謂始死無衰經以羔裘玄冠弔者。故記者明之。據此章之義。子游始死。褐裘亦未為盡禮。鄭註未達。

子游問喪具。夫子曰。稱家之有亡。無子游曰。有亡惡乎齊。夫子曰。有母過禮。苟亡矣。斂首足形還。旋葬。縣玄棺而封。人豈有非之者哉。

喪具。送死財用之具有亡。謂貧富也。行禮以財。子游之問。傷貧者無以為禮也。夫貧富雖不同。各稱其力。自盡則不同之力。以同盡之心而齊。故稱之一字。為孝子之準。乃所以為齊也。子游不達。疑稱家有亡。則

有者恃其財。至於無以加。無者暴其親。至不能葬。同
爲人子。而厚薄相懸。惡乎齊。而有無焉。可稱也。不知
所謂稱有無者。非謂有者遠。恣情過度。無者遠。卻尸
廢禮也。有者備禮而止。豈得太奢。無者隨分自盡。不
謂不及。但不至露形。裸葬。則不必更待日月。還卽葬
埋。不用碑。絆懸棺而下。封之。以土。亦力所能也。無財
不可爲悅。人豈有議其薄者哉。如此則有者盡禮盡
心。無者力雖不足。而心亦盡。其爲孝等。所以謂之稱
謂之齊也。還旋同便也。封以土。封其坎也。鄭改爲窆
字。無謂

司士賁奔告於子游曰請襲於牀子游曰諾縣子聞之
曰汰哉叔氏甸專以禮許人

司士官名賁人名以衣斂尸曰襲禮始死廢牀置尸
於地望其如初生下地時也旋反於牀沐浴含飯襲
皆于牀也當時有就地而襲者司士賁請如古禮子
游不據禮以告第應曰諾諾者以物許人之辭非所
以議禮也汰驕恣也曲禮曰問禮對以禮又曰必則
古昔稱先王子游對不以禮不則古昔不稱先王若
禮由已出而許以予人者故曰汰

宋襄公葬其夫人醯醢百甕會子曰既曰明器矣而又

實之

此言送死致生之非禮也。醴醢百甕皆納之壙中者。明器從葬之器。神明之而已。今皆實之以醴醢。所謂之死而致生。不智也。故曾子譏之。

按士喪禮陳明器。甕三。醴醢屑。諸侯雖多。何至于百。鄭兼祭器解。以周人殉葬。兼用祭器也。祭器可實。明器不必實。然儀禮明器如苞。簠。鬲之屬。皆實以牲體黍稷醴醢醴酒之屬。豈曾子於禮未甚悉與。疏義半虛半實之說。強鑿附合耳。

孟獻子之喪。司徒旅歸四布。夫子曰。可也。讀賜。曾子曰。

非古也是再告也

孟獻子魯大夫仲孫蔑也司徒大夫家臣司徒也旅下士卽司徒歸四布謂旣葬各以四方之賻布還之蓋獻子廉而家臣繼其志視家於喪者爲賢而違弔者之情不如子柳以班兄弟之貧者之爲善也故夫子僅可之車馬助葬曰賵主人旣受而以方版書其數遣奠之晨以讀于柩此後世之禮蓋賓來賵時旣以告遣奠又讀是再告也古者但有賵時致命之禮無柩行再告之禮故曾子非之

成子高寢疾慶遺入請曰子之病革亟矣如至乎大病

則如之何。子高曰：吾聞之也。生有益於人，死不害於人，吾縱生無益於人，吾可以死，害於人乎哉？我死，則擇不食之地而葬我焉。

成子高，齊大夫，姓國，字伯高。諡曰成慶。遺慶封之，族不食之地，謂不可耕之地。死而不忘儉，賢於公叔文子遠矣。

子夏問諸夫子曰：居君之母與妻之喪，居處言語飲食，
衎爾。

衎，樂也。君母君妻禮皆齊衰不杖期，恩義雖淺，未有居喪而爲樂者。子夏失問，故夫子不答。或云：居處以

下。夫子之答辭。若是則衰不當物。畏而哭之者耳。豈
聖人所以教人乎。記言爲不足信矣。

賓客至無所館。夫子曰。生於我乎館。去聲死於我乎殯。

賓客謂朋友自遠方來寄寓者。非爲我來。故曰無所
館。如爲我來者。我自當館之矣。死於我殯。因館生者
併及之。言禮當如是爾。非謂我館者皆擬其死也。

國子高曰。葬也者。藏也。藏也者。欲人之弗得見也。是故
衣足以飾身。棺周於衣。槨周於棺。土周於槨。反壤樹之
哉。

國子高卽成子高也。子高之意以爲人生則見。死則

葬藏則宜不見故衣以包形棺以包衣槨以包棺土以包槨惟恐其藏之不密人之發見也反封之壞樹之木而使人識之哉

按此所謂之死而致死之不仁而不可爲也在死者自爲計則可子孫於祖考封之惟恐不高樹之惟恐不茂豈忍泯然不識而已故凡送死之禮皆生者之事非死者之任聖人制禮使生者自盡焉耳

孔子之喪有自燕平來觀者舍於子夏氏子夏曰聖人之葬人與平人之葬聖人也子何觀焉昔者夫子言之曰吾見封之若堂者矣見若坊者矣見若覆夏屋者矣

見若斧者矣。從若斧者焉。馬鬣封之謂也。今一日而三
斬板而已封。尚行夫子之志乎哉。

燕國名。聖人葬人則禮自聖人出。故可觀人葬聖人
則禮自衆人出。其何觀焉。昔者以下述夫子之言。見
今之葬無可觀者。封謂築墳。若堂形方而其上平也。
若坊形如隄防。旁殺而長也。若覆夏屋。東西壁立。南
北陵遲。形如夏世之屋。周屋始有四注。夏屋惟前後
雷耳。若斧上狹如刃也。功省易就。故從之。此以上皆
引夫子之言。馬鬣封。子夏卽所見以明若斧之制。馬
領肉薄墳狀似之。今將以此葬夫子。功不過一日三

次斬繩移版其封已成事簡禮儉尚行夫子之志而已何觀焉

按前章記夫子之葬公西華爲志備三代之禮披崇練施何其豐也今云以若斧封又何儉也版可築垣牆不可爲丘隴馬鬣而上則朝築而莫施矣三板之高不過六尺何以垂之奕世如山陵乎燕人觀禮以此告之甚無謂

婦人不葛帶

禮大喪婦人與男子首經要帶皆用麻男子重首婦人重要旣葬卒哭男子以葛易麻帶婦人以葛易麻

經及期而練則男子去首經而存葛帶婦人去要帶而存葛經故婦人無葛帶此以齊斬言也若大功以下服輕卒哭婦人亦并變爲葛帶與男子同矣

有薦新如朔奠

柩在殯未葬過月朔則殷奠殷盛也視常奠爲盛男女各卽位內外各從事故謂盛奠薦新亦謂在殯過新穀旣升薦于柩也其禮亦如朔奠蓋薦新于葬後死者已遠而感傷淺薦新于初喪其痛方新而感傷重故禮如朔奠也

旣葬各以其服除

三月而葬，葬而虞，虞而卒，哭親重者各隨所受而變服，輕者應除，各自除之，不俟主人也。

池視重雷

池謂柳車之池，柳車即今棺罩，形如屋，池謂棺罩四簷，織竹衣布為池，狀如重雷也。雷溜同，重雷即今屋檐上木溝，檐水入此，復溜于地，故曰重雷。天子屋四注，四面設重雷，諸侯缺後，大夫惟前後，士惟前，其送死池數各視生，葬所居屋重雷為等，故曰視。

君即位而為柩，解歲一漆之，藏焉。

柩，櫬也，即後章所謂柩棺在內，親尸之棺也。天子柩

內有水兕革棺諸侯惟禭名禭者漆之堅強甃甃然也人君體尊備物無少長卽位則造禭每歲一漆示不卽成也藏焉者未卽用也

復楔

肩齒綴

拙

足飯設飾帷堂並作父兄命赴者

復始死升屋招魂也楔齒用角匙楔尸齒令口開得舍也綴足以物綴尸兩足使直也飯以米與貝實尸口也設飾陳衣衾襲尸小斂也帷堂堂上設帷帳也並作六事一時並行也父兄命人以喪告于所親識者孝子昏迷故父兄命之鄭據士喪禮主人命赴之文謂大夫以上則父兄命拘也

君復於小寢大寢小祖大祖庫門四郊

復招魂也君謂諸侯禮多言諸侯而畧於天子者禮書後成非先王之舊也凡宮室在後曰寢小寢燕寢也大寢正寢也小祖羣祖廟大祖始祖廟庫門諸侯之外門寢為生時所居祖廟生時所有事門所嘗出入郊所嘗經歷魂氣所往不離生時熟習之地故于此等處復

按人死持其衣升屋呼其名字招之使還事近誕鄭據周禮謂各如其命數上公復九處侯伯七處其迂尤甚

喪不剥奠也與平聲祭肉也與

饋食曰奠饗鬼神曰祭始死未葬以前皆謂之奠朝
夕設脯醢如常食故不用巾冪謂之剥奠剥俛也曲
禮爲大夫削瓜俛之亦謂不巾也易有剝卦謂陽蛻
如剝也惟殷奠殺牲有祭肉用巾非是皆無巾與者
不定之辭

既殯旬而布材與明器

旬謂殯後十日布陳列也材爲椁之木布者暴之使
乾也明器送葬之器既殯旬日後卽治此事也

朝奠日出夕奠逮日父母之喪哭無時旬使必知其

反也

始死至未葬以前皆朝夕奠逮日謂及日未入事死
如生也未殯以前不絕聲哭殯後至小祥朝夕哭廬
中思憶哭小祥後無朝夕哭或一日二日思憶哭皆
所謂哭無時也在喪或祥後有君命出使不得不往
反必祭告于廟如親存也

練練者黃裏練緣葛要經繩履無約角瑱鹿裘

衡長祛祛祛楊之可也

練小祥祭名三年之喪期年而著練冠練衣故曰練
練衣以練熟麻布為中衣斬衰衰裳如故也正服不

可變中衣所以承衰者卽深衣也裏練衣之裏縹淺絳色緣緣飾領袖葛要經謂小祥男子去麻首經惟餘葛要經也繩屨父母初喪管屨旣葬卒哭受齊衰蒯蕪屨小祥受大功麻繩屨也約屨頭飾也麻繩屨不用飾瑱冠兩旁充耳吉用玉與石小祥後微飾用角也平居冬寒皆衣皮裘貴賤各以等喪裘同用鹿皮小祥前裘狹而短不見袖祛袖口也小祥後裘橫廣而袖長見裘曰楊裘在練衣內而微露其袖口不全楊也楊以單布帛加皮上爲表故裘在外謂之楊重以衣掩其上曰襲外有練衣是猶襲之也但見其

祛可耳鄭註未達

有殯聞遠兄弟之喪雖總必往非兄弟雖鄰不往所識其兄弟不同居者皆弔

親喪在殯聞遠兄弟之喪雖總麻如同會祖昆弟之類亦必往弔親同宗所以重父母也則近而服重者可知非兄弟雖鄰里之喪亦不往則遠者可知鄰雖不往如死者爲相知已既不往兄弟同居者亦不可往則使不同居兄弟皆往弔若代已之往可也

按曾子問夫子曰三年之喪弔乎子曰禮以飾情三年而弔哭不亦虛乎此言最爲近情此章之言未可

據也

天子之棺四重水兕似革棺被之其厚三寸地移棺一
梓棺二四者皆周棺束縮二衡橫三衽每束一柏椁以
端長六尺

水牛兕牛其革堅厚考工記函人兕甲壽二百年合
之以爲棺其厚三寸被謂近尸內一重也地假也樹
似白楊卽禔棺也爲第二重又以梓木作屬棺爲第
三重外又以梓作大棺爲第四重四棺上下四旁皆
周而惟椁不周有四圍而無上下以上有抗席下有
茵也束以皮條束棺也縮直也衡橫也直束二道橫

束三道衽以木為小腰中狹兩端濶如裂裳衽一殺
 上一殺下又謂之燕尾其形如腰鑿棺與蓋際為坎
 納腰于於坎以聯其際如衣之有衽故名衽每束一
 謂棺蓋縫每當束處用一衽也外以柏木為槨木本
 曰端本堅而大槨大故積材頭為之其長六尺

天子之哭諸侯也爵弁經紵紵衣或曰使有司哭之為
 之不以樂食

遠諸侯死而赴于天子天子哭之爵弁弁色青黑如
 爵頭也經麻經也紵衣即緇衣天子服爵弁緇衣以
 哀降服也經加環經於弁上即羔裘玄冠者易之

而已之意示小變也。鄭氏以經爲衍字云。麻不加于采。夫爵弁緇衣。旣可以哭。不可以加經乎。或曰以下並記所聞。

天子之殯也。敢塗龍輅。春以椁加斧于椁上。畢塗屋。天子之禮也。唯天子之喪有別姓而哭。

敢叢也。用木叢。柩四面塗之也。輅載柩之車。如牀。四周有欄楯。而畫龍于上。故曰龍輅。以椁者。輅外叢木象椁。四面圍之也。斧黼也。白黑曰黼。繡黼爲覆棺之衣也。周叢爲椁。而開其上。加黼衣內覆棺上。又爲屋。四注以覆之。而下四面塗之也。別姓者。宗族爲同姓。

婚姻爲異姓無親者爲庶姓分類爲位而哭也

魯哀公諱孔丘曰天不遺耆老莫相予位焉嗚呼哀哉
尼父

諱類也類死者生平而哀之猶今之行狀挽辭云爾
鄭康成謂因其字爲諡夫尼烏足以諡聖人乎

按諡尼父而知哀公之愚矣諱以成諡諱其生不得
行道而諡之曰尼尼泥也止不行也孟子云止或尼
之抑不思孔子不得位誰尼之而遂用爲諡何異於
里人之東家丘者解者曰聖人之行難盡列然則堯
舜禹文何獨不字乎不然則鄭氏之說誤也諱耳非

諡也

國亡大縣邑公卿大夫士皆厭素冠哭於大廟三日君不舉或曰君舉而哭於后土

厭冠喪冠厭帖不起也哭於大廟傷先業之虧也盛饌作樂曰舉君不舉自貶也后土社也哭於后土傷土地之削也

孔子惡野哭者

夫子嘗自言所知吾哭諸野謂設位爲帷成禮也此謂哭諸道路郊野無喪紀之位擗踊之節者也周禮衛牧氏禁野叫呼行歌哭于國中之道者惡其驚衆

也。或云如成子臯所譏野哉哭者，然則所知哭諸野，亦非夫子之言矣。

未仕者不敢稅。稅人如稅人，則以父兄之命。

稅，稅同。通作襚。以衣服贈死曰稅。古者斂尸用盛服。未仕則衣服不備，故不敢以襚人。如襚人有父兄在，必以父兄之命。蓋衣服財幣不敢自尊也。玉藻云：親在行禮於人，稱父是也。

士備入而後朝夕踊。

臣於君喪，朝夕哭踊，各依位次。踊必相視爲節。嗣君孝子雖先入卽位，矢待衆集而後齊踊。士卑最後入。

士皆入則衆無不至者矣

祥而縞是月禫徙月樂

祥大祥縞生絹蒼白色以爲冠也三年之喪二十五
月而祥又間一月而禫期之喪十一月而練十三月
而祥十五月而禫是月對徙月而言非卽祥之月也
徙月又越月也按前章云孔子旣祥五日彈琴十日
笙歌記言自矛盾如此

君於士有賜帑

亦

帑幕也所以覆柩士必君賜而後有帑然則大夫以
上有司自供之矣

禮記通解

卷三終

九十一

禮記通解卷三終